




宜平縣志

ル 5
3142
4



ル 5
3142
4

宣平縣志卷之七

宦績

史紀循吏民留去思下邑巖險豈無官師盤錯利器奉為前規述宦績志

知縣

明

李葉豐城人本麗水丞景泰開設初薦知本縣威行惠

濟吏民悅服祀名宦

何昌廣東順德人初任麗水以憂去成化間改知本縣寬厚待民如古循吏曾題冲真觀壁魚詩云曾躍龍

門二十秋子今浪裏暫低頭平生不肯貪香餌分付
漁郎莫下鈎可以見其品矣

楊中立四川南充人宏治初知縣清廉愛民祀名宦
向哲湖廣人監生正德初知縣公廉執法入覲卒於途
民追思之

甘楷南昌人監生正德間知縣敷政寬平督造黃冊戶
口悉均

楊倣建寧人舉人正德間知縣恬靜明敏振興士類擢
吉安通判

鄭應文南海人正德末知縣安靜守法至今仰之

張撰餘干人嘉靖初知縣禁奸除暴吏畏民懷捐俸市
銅鑄文廟祭器擢興化府通判

蕭彥吉水人舉人嘉靖間知縣清謹自持公明兼著多
所修建士民安之

任良翰電白人舉人嘉靖間知縣剖決精明人莫敢欺
捐俸建學政事文學兼備擢判福州府

洪雲翼字翰卿懷宜人萬曆中知縣善撫循市無煩囂
野無追攝政成膺藩邸命邑人士控請莫能得戒行
之日數十里香燈載道有追送至婺者士民楊元善
鄭啟明等爲立生祠毛一鷺撰碑至今猶存

鄭龍光大田人貢生崇禎初知縣勤政惠民案無留牘
獄無滯囚三載政成百金置學田爲課士賓興津送
之費

王在鎬號恥庵宜海人崇禎間知縣博學強識下筆警
敏有致居官清整御下嚴明多所修舉如修志修司
修橋建譙樓並其遺澤

金之鏐號亦華安鄉人崇禎間知縣適山寇猖獗親督
鄉勇力行勦捕民以奠安茹荼餐素卽一米一薪不
欲擾民至今尸祝焉

卜云吉字允臧武進人崇禎末知縣重學校勤案牘清
盜源於屠剝嚴糞節之強醮革陋維風人咸畏服

國朝

王亮教字弼之章邱人舉人順治初任有材畧時值鄰
警設保甲備火器練鄉勇授方畧晝夜親巡寇不敢
犯境捐修宮墻育士養民德政洋溢行取擢御史巡
按浙江

葛永振號長城遼陽人順治七年以通判署篆清庫藏
革羨金疏鹽法禁暴差悍卒多善政教諭劉世科撰
德政碑

侯杲字僊蓓無錫人進士順治間任政有宜興革者請

命上憲事或中梗亦不懼必得請後已防禦山寇革除火耗嚴禁停喪溺女錮婢等弊續修邑乘增新學額皆其力也朱之錫撰德政碑

劉濟寬潁州人舉人康熙間知縣當閩逆蹂躪之後招集流亡漸次安堵捐貲千餘金給買牛種民藉以耕待士有禮擿奸多智有古良吏風甫半載以疾歸民咸思之

王登魁遼東人監生康熙間任清丈田畝力請蠲除代賠積逋千金催科有法撫字多方庭斷如神苞苴杜絕未及一募以艱去老幼遮道泣送

靳讓尉氏人進士康熙間任廉明簡肅吏畏民懷荒歲請蠲錢糧一千六百兩又設法捕盜以靖地方公務赴郡悉令從役步行曰吾不忍賤子民貴廝役也累官提督兩浙學政

韓宗綱字公范宛平人進士康熙間任操履清貞政才明敏革陋規除苛派日以勸農興學爲事歲凶力請蠲賑民免流亡招徠開墾待民如子視邑如家在官七年以艱去囊無一錢士民爭餽薪米竟卒於宣地方斂費助櫬回里祀名宦梁祚璿撰去思碑

于樹範江南金壇人監生康熙間任創建文廟殿廡學

校漸振詳請除荒雍正八年丈豁賠糧千兩零賴其
創議之力至築堰疏水煮粥賑饑徭課士捐建城
隍廟宇善政爲多因事罷歸士民思之

胡必奇字仲郊龍溪舉人慈祥爽直宜邑舊多荒田前
任孫清丈有案胡到任始詳請 題捐銀二千餘兩
並請題捐積欠賠糧五千餘兩遺黎得生聽斷得情
訟獄衰息及罷職做篋破被士民製衣饋食益加愛
敬嘗於沙溪橋遇虎衆咸驚散公厲聲叱之虎垂首
而去遠邇傳爲異事或問之曰偶然耳其盛德類如
此梁祚璿爲作傳

雷仁育字萬有太原進士居心寬簡不事煩苛催科寓
撫字逋欠自清聽斷詞訟鞭朴不輕施惟導以情理
令民輸服至于勸農桑興學校諸大政經費不敷出
清俸以贍之無絲毫擾民旌獎節義諄諄教化公餘
之暇與陸吳二廣文更日具餐集課諸生於普照寺
每月舉行者再至期單輿詣其所見諸生文甫脫稿
卽執筆點竄令親受益焉殆父師教養兼而有之者
去官日士民製衣饋食愛敬倍至古稱良有司洵不
愧云教諭陸獻猷爲作傳

陳加儒字綸士鄰水舉人勤勞民事日昃不遑十六年

秋甫下車因下鄉災荒辦理賑務額憲題捐糧米銀二百餘兩賑濟公帑銀二千餘兩接運台穀漕米共五千石饑民獲登衽席不至失所皆其力也次歲賑務方竣卽纂修邑乘與前任雷侯增新補舊舉百餘年久廢殘編至今始有完帙闔邑文教由此振興蔡應霖廣東順德舉人嘉慶二年署令政治嚴肅先是宵小肆竊連藪在城十餘年民莫安枕被竊家雖踪踪得實亦未敢控蔡履任密訪會竊犬事發委捕窮搜得贓物器皿令民識領藪盜者悉用長枷嚴治自是偷盜斂跡莫敢入境

朱蓮字莘亭湖南舉人嘉慶五年大水漂沒田廬無算詳請除荒田三頃四十八畝零

王愷字少溪蘇州昭文人進士嘉慶七年任端莊廉明民望而畏宵分巡查無間雨雪遇旱祈禱齋素草履勞瘁虔誠得雨方止十年歲歉請賑郡守不允痛哭跪求始得請饑民咸感後以艱去

耿維祐字顯亭山東新城人進士寬厚和平廉潔獨斷戚友近侍莫能進一語聽訟虛衷不恃刑威勸諭息爭惟禁書役滋擾囹圄空虛者年餘後調石門厯官王粵東運使

劉以賓河南河內人舉人嘉慶二十三年任愛士重文書院課藝評定後令諸生侍坐論文親爲指授凡廩餼膏火概給足銀絲毫不扣士林感之後以改教去多倫旗人官學生道光二年任才幹明敏折獄平允鬼蜮莫能遁其情晉郡郡伯委訊各邑積案無不悅服嘗以宣科甲未盛文峰不秀之故擬建塔南岡後於橄欖源嶺側得古塔址都人士請給簿募建多日無須吾將以廉俸濟斯役也未幾以勤勞致疾卒於官距履任僅一百五十二日士民哀之

黃煥字章甫廣東遂溪人選貢道光二年冬署篆愛民禮士購物革除官價修砌南門外大路沿隄插柳以護之工書法立碑路側廟中後補慶元卸篆尙缺買撫恤穀八百餘石士民踴躍領價運倉不數日已足其數後丁內艱去不能具裝宣士民餽贖二百餘金始得回籍

李增福字芝泉雲南昆明人進士道光三年任政簡刑清不事繁苛勸捐社穀一千三百餘石詳請議叙又捐廉建社倉四廩於三元寺每青黃不接時無呼庚癸者貧氓感之

馬英遂字蘭渚廣西永康州人舉人十三年署篆愛育

民人值放賑察弊安氓築通濟橋前令李興元肇工
旋寢馬以工代賑民得全活者衆是年冬十一月二
十二夜司前街大火西北風勁自街西延燒十餘家
火隨風捲地街東十餘間頃刻灰燼勢難撲滅街東
背駐防卽太平大街男婦號哭馬奔至關帝廟叩頭
不起曰如有罪譴悉歸諸令勿災百姓極情哀告風
忽反火飛街西復燒萬壽宮側廂屋六間其屋無旁
居民始得向邇撲救次日重賞救火者民以謂反風
滅火再見於今

黃維同號笠艘湖南善化人進士十三年冬任廉潔嚴

明勤敏善斷除弊懲奸不徇情面胥吏震懾因公至
鄉輕減輿從先自給工食不許入有事之門凡圖賴
強借暨自盡人命藉影圖詐者鞠治之才風頓息四
境肅然遇旱禱齋戒闔署概不茹葷必親歷禱所冒
險不顧記見藝文調署慈谿幾不能治夢旋補鎮海民多
去思

湯金策字酉山河南安陽人舉人道光十八年任治以
寬仁甚得民譽重修邑志興修水利自大流堰至縣
四境倡捐廉俸督理築建修舊增新共一百零五處
農民賴之後浙江省城陷殉難家屬皆仰藥死見忠

義錄入祠

李盤號蓮塘陝西洋川人舉人道光二十六年任才識
練達遇事剖決如神合邑畏服會歲饑詳請賑卹按
戶徧給民沾實惠邑有書院公重新廣建校士衡文
加意培植多士賴以振興工吟咏著有就正齋詩稿
秩滿調補常山臨行城鄉焚香設饌老幼遮道送之
李壽榛號樹堂湖北江夏人舉人道光二十九年署篆
愛民下士政簡刑清用彤家言捐廉率董勸募建塔
於邑南綠巖潭背爲文筆峰題其名曰巽峰塔嘗舉
以勉人曰此塔建後宜邑科第自茲開矣嗣以調署

鎮海去士民至今猶頌其德現陞候補道

張兆基號弼臣湖北興國州人甲午舉人同治七年夏
山青田調署本邑邑地僻民貧徵不敷解耗羨有限
或請其酌量加徵公太息曰連年積欠猶不能完尙
可加徵乎吾甯自累毋累斯民耳庚午夏彌月不雨
穀昂乏糴公乃邀董立局運米以濟貧困設壇祈雨
連降甘霖歲復豐稔秋間調簾交卸士民公頌德政
今猶感戴

丞簿

明

練敬浦城人景泰二年開設初縣丞協力修舉百事具興至今德之

王俊衡水人亦設縣初丞因時起事多所振興民戴其德

徐黼華亭人宏治間縣丞廉慎惠愛卓有政聲礦賊嘯聚時黼視邑篆單騎入賊壘曉示禍福數千人感泣散去子階爲少傅大學士祀名宦有報德祠

宋鎬旌德人監生嘉靖初縣丞清謹有爲民享其利調

繁餘姚縣祀名宦

朱微高郵州人監生嘉靖初縣丞公恕廉能擢知溆浦縣

關中原鬱林州人嘉靖中縣丞居官清慎不以家累自隨

鄭餘甌寧人景泰初主簿佐治有方秩滿去任

典史

國朝

黃順元號參宇江寧人監生小心恭慎不敢妄取人咸得其懽心安貧守分數椽頽然恬如也

陸士榮大興人康熙間尉有才閩變時與賊拒戰不屈而死

劉毓秀山西人乾隆間尉留心民事見城市街道低窪水路壅塞設法修砌流通至今賴之

周耀字在田溧陽人議叙十二年任存心謹慎任事勤勞十六年辦災佐縣散賑給粥妥協周詳民均沾焉

教諭訓導

明

徐潤樂平人儒士景泰初教諭十五年鼓舞作興有功
後學祀名宦

黃黍莆田人舉人宏治間教諭學優課勤滿考士子復
請留二年

林溥福清人舉人正德末教諭有學行秩滿擢池州教
授

蘇民望南安人舉人嘉靖間教諭才思清越敷教不倦
委署縉邑篆有剗煩之才挺立之操非其罪去士民

惜之

潘廷榮高安人嘉靖中教諭明達謙和士類仰之

翟宗魯博羅人舉人嘉靖中教諭却餽周貧婚喪助俸
培文明山鑿泮池建聚英樓立澄心堂應蜀省文衡
擢知融縣囊篋蕭然祀名宦

王嗣奭鄞縣人舉人天啟間教諭夙負文名多所著作
課士較藝人知嚮往重修啟聖祠有碑記

鄭文兆蕭山人崇禎間教諭楷模自飭門庭蠲潔學有
本原著有見聞錄周子三書陞本府教授

俞咨益烏程人由雲間訓導陞本學教諭講藝校課嘯
咏多風事壽母九十九節孝著於越

國朝

劉世科字開之山陰人舉人順治間教諭坦率和厚訓
士有則咸親之

張孫宏字幼安海寧人舉人順治間教諭博學淵識溫
厚謙和有儒者氣象素精內典頗得奧旨待士以誠
士皆化之

陳祚昌字奕大仁和人舉人順治間教諭誠厚肫樸清
儉自守致爲高雅閒斟今酌古士風蔚變焉

周起莘字次修蕭山人歲貢舉博學宏詞科康熙間教

宣平縣志 卷之七
論文采風流日引諸生講學又於制義外導以詩賦
或謝不敏曰不學則終於不能也宣士乃稍知學古
著有載道堂文集性理日鈔書

俞兆岳字岱瞻海寧人歲貢康熙間教諭文才敏捷砥
礪廉隅貧士修脯不受或且資贈之教人以立行爲
先次及藝文陞大田知縣調臺灣擢青州府授通政
司右參轉大僕卿

章縱富陽人歲貢康熙間教諭才雄學博謙抑和平見
士子必以敦倫立品相砥礪士習爲之一變洵無忝
師範者所著有自覺集

陸獻猷字仲嘉號刻亭餘姚人副貢賦性剛直聞非禮
之言輒正色面斥之嚴整學規以端士習爲已任諸
生戲言惟恐其聞博弈者見之輒走避自乾隆八年
履任以來士知禮法從前抗糧攬訟之風莫不歛迹
捐俸倡諸生修文廟大成殿明倫堂崇聖兩廡各祠
宇學校煥然改觀會稽商盤爲作傳

陸銘星子人舉人景泰初訓導誠心誨人士子德焉
朱萬里秀水人萬歷間訓導端嚴範士不少姑息調護
孤寒興起耄艾輕財重施多所捐建以冷官置學田

尤足紀也遂昌教諭鄭維嶽立去思碑

葉永芳金華人崇禎間訓導渾金璞玉貌類野人而有吟風嘯月之致蓋善自韞藏者也

張華年開化人崇禎間訓導韞玉懷珠儼然舊學從游者咸樂親近之

國朝

袁之龍字函紫新城人歲貢順治間訓導謙和溫厚如坐春風中訓士煦煦咸化其德

張應壽金華人歲貢康熙間訓導賦性醇樸澹泊自甘日與諸生相勸勉修脯不計貧乏者且資助之

馮鈇號在菴海鹽人歲貢康熙間訓導精密周詳一毫不苟惟以至誠接物士莫不奉爲模楷梁祚璿撰去思碑

吳瀆景瀘安人歲貢乾隆間訓導氣度溫醇善屬文課士輒手書一藝有陶鄧風味士咸矜式

潘毓楠字柱堂歸安人歲貢乾隆十四年任坦率近人不露圭角倣古鷺湖白鹿遺規與門下士講明經義諸生接見則必訓以敦倫立品尊君親上大義諸生少有過舉必嚴加飭責弗姑息也士莫不愛敬之吳大受爲作傳


俞開傑字息園餘杭人恩貢嘉慶十六年任端方慷慨
訓課維勤每歲除季課外擇其可造就者與訓導張
榮輪值具餐別課於文昌宮中勸捐賓興田畝生員
被人牽累必爲辯白有小過面斥訓誨使自悔悟卒
於官終其任未襤一衿

胡容松字沁泉建德人副貢道光四年冬署篆捐修文
廟祭器樂器

張榮字湘友海鹽人舉人嘉慶四年任寬厚愛士課必
具餐有可造就者與諭俞開傑善培植之貧士不給
多所周濟不計次數修文廟捐文運文明兩堂賓興

悉資其力四次秩滿奉部截取引疾歸

項秉謙號坤山武義人癸酉拔貢道光間諭窮經力學
工古文詩詞生徒來謁必勗以敦品立志情詞懇切
如誨親子弟黠竄文藝獎掖後進惟恐不及士習蒸
蒸文風振起性夷澹沖和不問家生產雖臧獲未嘗
呵斥秩滿轉任卒於官至今稱善教者必曰項老師
吳鄂棠號移華錢塘人戊子舉人道光間訓淹貫古今
日事講課絕口不談勢利詩文翰墨並臻其妙諸生
以詩文請質必抉摘疵類詳爲評抹不索脩脯一時
志切進取者多出其門士林仰之陞嘉興府教授



宣平縣志卷之八

公署

此如傅舍閣人已繁宣邑彈丸經始維艱有堂峩峩
葺其傾殘同僚僦居易壯民觀述公署志

縣署在坊東隅前臨通濟橋後枕占鰲山中為忠愛堂

左幕廳

後改穿堂右

右耳房庫

後改宅門右

東西列房科堂前

甬路立戒石亭前儀門三楹大門五楹上有譙樓皆

設縣初邑令李葉創建

國朝順治六年邑令裴文燦重修康熙二十四年邑令魏
康孫重建大堂至乾隆五十餘年堂漸傾欹支以大

宣平縣志 卷之八
木道光元年邑令多倫拆毀議修旋卒於官不果九年署令戴人龍就宅門外構松棚聽事邑紳士請捐修不數月工竣顏其堂曰鏡清十年邑令胡霖蒼黜聖之堂左右各三楹為歲科童試館平時為設糧櫃所梁村梁儒風同弟儒範儒英等捐修邑令李興元重建大堂碑宣平置縣昉自前明其大堂幾經修建詳載邑志至道光辛巳又復摧折盡矣己丑夏太湖戴公人龍攝篆倡議建復都人士翕然響應輸金出粟奔走恐後兩閱月成大堂三楹左右考棚各三楹頭門儀門亦各三楹其頭門仍設燕樓如初庚寅余宰此土見夫閉閣之高峻也棟宇之軒昂也墻垣之厚實也喟然歎曰物有興必有廢有成必有毀其勢然也然苟不狃於習俗不安於小就不沾沾於價廉工省厚其基以增其力強其質以壯其觀則無急敗速毀之虞亦其勢然也孟子稱為巨室必得大木而後能勝其任

而或因陋就簡苟且目前或輕舉妄動不慮事後又其甚糜國帑竭民脂財半入於私囊又何怪一經風雨而腐朽立至哉是役也造意於宰釀資於民經營於董事木石甄瓦之屬概遵市價不假胥吏之手不滋閭閻之擾樹本堅而成功速不亦宜乎况衙署例應官修而此間紳庶獨能慷慨好義踴躍急公又以見民樸茂有古淳風焉抑余有所厚望焉者非咸豐飲射讀法不登此堂則庶幾風益淳俗益美歟咸豐時毀於兵九年署令邢鴻濤重修其後失修十年又漸傾圮庫糧櫃房門壁欲頽同治十三年邑令趙篤恩稟請重修未允光緒三年邑令皮樹棠籌款重修大堂堂東之土地祠糧櫃房堂西之班役房均加修葺而增其外垣焉自記光緒三年春余蒞任於栢之廛蕭條廨舍頽敗入其署則堂皇傾殘丹青剝梁木朽蠹柱石欹斜勢岌岌不可終日蓋自咸豐庚申

前令邢君脩復之後又將二十年矣邢君當兵燹後
闢草萊披瓦礫處萬難之勢宜不能甚堅固宣故瘠
地又無餘財可以脩葺宜其傾殘陵剝之不免也夫
古者分土而治百里之地而有城郭宮室宗廟社稷
非徒以觀美示威已其後分設郡縣一邑之地不儉
勞民傷財事非獲已其後分設郡縣一邑之地不儉
於古之一國然地非世守又鮮久任視其官若傳舍
多不為久遠計猶幸餘財外賦不盡上供守令得以
其餘脩城池水利建室廬飾臺榭故唐宋以前郡縣
規模多宏敞壯麗觀孫樵氏書褒城驛驛有池沼舟
楫之樂而樵猶謂其時州縣皆驛嗟乎樵幸不見今
之州縣耳使其見今之時其感慨又將何如哉軍興
以來帑藏告絀郡縣公署多殘破求請勢不能給若
壯縣鉅邑猶有餘財可以經畫又得急公好義之人
當可立辦宣邑則皆無之固宜前此諸公拮据告瘁
均有志而未逮也余承乏是邦念大堂為出治聽訟
之地勢不可以終廢迺竭盡心力修起廢墜籌費卜
吉鳩工飭材於是正其欹斜補其圯缺以畚以築以
繩以削凡垣宇之摧頽棖榭之折撓甌甑石之破
損赤白黝堊之漫漶者治而新之務堅且樸毋侈毋

陋毋求速成堂東為土地祠加修葺焉新其神居而
頤增宏敞堂西為班役房厚其墻垣固其出入之所
毋有疎失蓋經始於歲之孟秋至歲將終而工畢
乃誌其所以脩復之意與功力之難焉是為記
其
後為宅門為穿堂為後堂萬歷初邑令劉珍重建
左册局右儀仗庫兵燹邑令韓宗綱重建又後為知縣
宅兵燹天啟七年邑令申鎮國建東樓五楹今廢

國朝康熙二十七年邑令靳讓重建樓五楹今廢康熙五十

四年邑令張廷祐於宅東隙地建書樓五楹名環翠
樓乾隆十二年邑令雷仁育重修顏其額曰琴鶴軒
俱廢今穿堂後為三堂三楹最後為內室七楹內室左
為內庫兩楹署無樓屋幕廳在穿堂有會客廳在幕

廳前為西花廳廚房在穿堂左前為東花廳今廢廳左
 為內土地祠祠前立丁丁碑宅門外左為儀仗庫右
 為班役房自十二年後重修位置者無考五十八年
 邑令張蚤譽修穿堂顏其額曰親民堂嘉慶八年邑
 令王愷重修額因之又於東園栽竹鑿池建亭覆以
 樓欄為小蘭亭今廢亭址并入捕衙後園道光二年邑令多倫重
 修三堂內室並西花廳十四年邑令黃維同重修內
 室及土地祠祠前碑亭嗣是歷任歲修兵燹後屋多
 傾圮咸豐九年署令邢鴻濤重修穿堂同治四年邑
 令黃位中七年署令張兆基重修花廳穿堂廚房內

室並將圍牆修復十三年邑令趙篤恩復行修葺於
 內室東建內花廳外為花園闢其東為小池並建碑
 亭光緒三年邑令皮樹棠脩葺花廳書房內室花廳
 內室各添置房室一間大堂前為甬道中立戒石亭
今廢嘉慶四年邑令朱蓮建木坊書戒銘於上亦廢東西
 列科房十五年邑令楊士雲重修道光二十年邑令
 湯金策修建科房兩傍接築土牆以閉倉廩其外為
 儀門三楹設縣初建重修者康熙四十八年邑令魏
 必大五十五年邑令張廷祐乾隆十七年邑令陳加
 儒自記國家設立縣治例得為門三蓋做古侯庫門
 雉門路門之義也門之居中者曰儀門亦猶所謂

雉門乎宣邑僻處山陬以四山為屏障求所為麗春
迎恩太平拱辰諸關門皆名存而實未有以副焉問
廳事之外舊所設儀門安在則自李君葉創三楹於
開邑初後裴君文燦於順治間脩而復廢康熙間韓
君宗綱魏君必大張君廷祐屢建屢廢數十年來遺
址無復存矣嗟乎儀門之存廢何足計宜為朝廷之
紀綱法度計耳余甫下車因接辦賑務皇皇不暇寢
食凡脩廢起敝責不容緩者槩未遑及踰歲壬申夏
事稍集爰鳩工飭材依隣邑儀門之制而從事焉越
兩月告竣然則余之為此豈徒然哉王朝建邑置之
長凡始和之會月吉之頌以及讀法獻獄諸大政邑
之翹首而望躑躅而前者靡不於是門之左右而承
望風旨茲門之建蓋將以警夫吏役之疲玩使之入
屏跡之思也使第為烏草輩飛以飾一時之觀瞻則
斯門亦何取乎建建亦何必如是其急也哉後之繼
余而宰斯邑者諒亦與五十八年邑令張蚤譽嘉慶
余有同志也夫是為記

四年邑令朱蓮道光二年署令戴人龍同治九年署

令李昱其外為大門隆慶初邑令朱朝相建上為譙
樓崇禎初邑令王在鎬重建後遇兵燬康熙三十四
年邑令楊瓚重建無樓道光四年士民重建仍設譙
樓同治十三年邑令趙篤恩重建並建譙樓申明亭
旌善亭舊在儀門右後移大門外均圯土地祠舊在
儀門外之東寅賓館附久圯邑令魏必大重建嘉慶
五年邑令朱蓮重修中土地神左倉神右邑令洪雲
翼生祠均舊制後移大堂東歷任歲修光緒三年邑
令皮樹棠重修祠宇新其神座獄禁在儀門外右後
燬於兵同治間邑令黃位中署令蔣元沂稟請重修

至署令張兆基李昱始行修復

縣丞署在縣署東初縣丞練敬王俊建奉裁久圯

主簿署在縣署西初主簿鄭餘建奉裁久圯

典史署在縣署東久圯今在土地祠東重修年月無考前

為廳後為二堂為內室為廚房後有圍照壁後有平

屋兩楹嘉慶七年典史朱俊秀就祠西建花廳三楹

鑿池護闌栽竹種花祠後通路道光十七年典史楊

燦重修兵燹後僦屋以居同治間署令蔣元沂李昱

稟請發款重修署令許維崧及典史朱承鈞修葺尙

未復舊

巡檢司在五都後陶邑令李葉建嘉靖初奉裁久圯

教諭署見學校

訓導署見學校

布政分司在縣西久廢

按察分司在布政分司西久廢

陰陽學醫學俱在縣西今廢

僧會司在普照寺

道會司在冲真觀

府公館在布政分司東久廢

使客館在縣東久廢

清平館在南五十里清平寺久廢

倉廩 附

常平倉在縣儀門內左右共二十間爲縣倉曳嶺脚共六間老竹共一十間黃弄共五間爲鄉倉創建無考歷任隨時舉修舊志自康熙十八年起凡官捐里捐並監生捐穀悉存焉今專存採買穀石

社倉舊志設立民間社首鄭尙韜社副鄭維藩視以環承管今無存當時各鄉均有社長分存穀石借放歷年久遠或遭水火或民欠無償或經理侵蝕悉歸於虛現在鄉隅間有存者僅一二村道光七年邑令李

增福詳明舊穀緣由從新勸捐於三元寺前廳左捐俸構倉四廩令新捐社穀悉貯公倉並立章程嗣後歉歲青黃不接之時減價出糶秋熟買穀還倉仍歸社長經理不得私行借放致無償再廢又俞源社穀公倉在俞祠門右里人自行捐建事竣將城鄉士民捐穀多寡請詳議叙給匾有差

義倉在縣治西舊爲府館萬歷五年邑令葉遺風改

建何鐘有記

廢今

按舊志官吏給俸倉在縣譙樓西儒學倉在學明倫堂東預備東倉在縣西熙和坊前西倉在縣西三元

宣平縣志卷之八
橋東南倉在縣南十一都白岸口北倉在縣北二都
又按彙紀預備倉在迎恩門外卽三元橋東倉今俱廢
順治十二年邑令侯杲重建預備倉今亦廢
又通志預備倉在迎恩門外雍正五年添建倉廩九
間每間貯穀六百石八年添建四間今廢

宣平縣志卷之八

古蹟

流風遺蹟名人詠歌新造之邑勝地無多時有游人
銅狄摩挲述古蹟志

天師塚在縣西北六十里相傳葉法善葬其父處據傳法善

父卜葬於歐溪近山疑此爲俗傳

牛頭塚在縣北八十里相傳法善昇天處有徒求隨在
地展拜周圍方丈草木不生山有草名六月霜性最
冷有矮松長僅一二尺許松針如鐵線名萬年松遇
旱禱多驗據傳法善形解於景龍觀此亦俗傳也

劍履庵在縣東隅二里按唐書載法善開元八年卒道

藏葉真人傳云法善在景龍觀託疾潛服神丹化劍

為尸勅葬枯蒼山未一年棺槨忽開惟劍履存今縣

治東有劍履庵遺址後為虛塚巖上有天師遺像

在鎬詩劍既龍飛矣履應見化焉兩山卯酉對二水

午申聯摘俞介詩仙人已去留踪跡游客重來感

歙州碑舊豎劍履庵側庵傾碑亦摧折前令移置幕廳

縫合如故廳燬碑零落不全前存儒學尙有數百字

可揚今亡按此係真人父贈歙州刺史神道碑亦李

邕撰文國子監生韓擇木八分書非追魂

丹井在冲真觀世傳法善煉丹嘗用此水今涸

銅鐘舊志云相傳法善所鑄命其徒曰吾去三日後爾

方可鳴師去彌日徒竊扣之其聲震地居人驚駭師

遂還以劍畫之少止及其所至之地而已又云以草

鞋擊之遂止鐘上劍痕鞋印猶存宣陽觀鐘欵維唐

丁巳正月甲寅朔廿五戊寅宣陽觀奉為國玉聖

化普及道俗存亡敬造洪鐘一口用銅一千五百斤

元奏勅置觀金紫光祿大夫鴻臚卿越國公道

士葉法善攝刺使賈岌縣令李冲市承鄭保道率化

衆緣道士鄭通靈鄭國清吳靈岳吳昇玄周法慈葉

道游葉朗清吳惠虛鄭仙超葉惠光王法虛毛仙靈

已上各捨十五斤都檢校道門威儀紫極宮道士葉

修然廿斤道士葉齊真十五斤大匠孫住葛光留超

捨銅卅斤主鄭德寶戴公訓夫妻吳懷德夫妻為檀

宣平縣志

卷之八

古蹟

二

思庭戴公之戴德丘鄭女娘鄭寶蓋葉待賢葉待正
周光擇周光遂葉庭芝葉方春俞喜娘葉光超吳懷
丘陶大娘按唐書葉法善卒於開元八年是鍾鑄
於大曆十二年距卒已五十八年矣第三行猶載法
善封爵銜名何也蓋道侶勒此湖其
置觀之由耳故稱元奏勅置觀云云

馬蹟壇在山坑相傳葉真人騎馬過此蹟尚存

清風峽在東巖巖筍裂開闊五丈餘深可百丈餘清風
徐來四時不息

桃花洞在東巖有石室深廣二十餘丈門列桃數株

八仙巖在山下鮑相傳有仙於此煉丹其地不毛者方

二尺許下有石室中有注水石面盤至今不涸不溢

白泄巖在縣西一里相傳上有石棊子石核桃中空外

圓儼似羗桃無意求之則得有意掘覓終不可得

地風起於五里壇四時有風從巖竇中出暑月尤勁

虎蹟溪在老竹唐里人章承趣騎虎出入於此

試劍石在梁村渥山橋東相傳葉法善試劍於此上銳

下圓中半裂周環空縫可丈許

石塔在縣西三里不知創自何朝高七級

金山聖水在吳宅相傳馬道士往高峯上昇經其地以

鐵杖穿石引出後水至山前可灌田三頃

瑞麟亭在東隅社學前按徐黼貳宣時有妾卒於宣所

育一子去任留養於鮑家初名鮑階後黼長子故復

攜階歸時年十二即相公階也後大拜建祠縣大門

內祀黼立瑞麟亭邑令蕭彥記畧云麟之為麟也不恒有於天下詩以之擬公予者亦

日盛德之生有所自爾華亭徐公之承宣也宅心仁厚與民休息父母孔邇殆庶幾矣由是太和蒸熏嘉

祥鬱發篤生少湖公於署岐嶷不凡過目成誦弱冠即發南畿奏捷禮闈廷試及第榮躋館閣既而督學

江浙作師成均今位進少宰總銓衡所謂不恒有於天下者其在斯乎愚幸逢其盛爰勒石以紀之久圯

勸農亭一在祝村一在曳嶺一在三港舊志云前志不載今補入以見前人善政并以示後之為政者久廢

澗樂亭在楹樣山邑令金谿黃文豹建自記宣在萬山中多峻削鮮

興殖之利民生其間往往安土重遷所恃以卒歲者田耳少有災眚其何以生余比下車詢民瘼未嘗不

重為之憂既而明疆界定冊籍與民休息亦既稍稍甯謐矣未幾旱魃為虐民嗷嗷而囂余率吏齋沐請

禱未效或造請日邑之楹樣山三神人依之能作雲雨試躬謁之以為民請命予乃撤蓋徒跣拜烈日中

甫登山陰霾四塞罪罪如雷僉曰此神應也如是者三日大雨沾足今歲則連數大郡赤地數千里予修

舊事禱於茲山不踰時雲騰出山表滂沱竟夕僅足宣境嗚呼亦神矣於時回境謹呼方圖所以報稱者

未舉也一夕夢三人白予曰我楹山神也祠宇弗廓其惟汝告予曰是予責也奈後址窄隘其廓亭之前

廠可乎三人唯唯退乃捐俸築基構亭以紀神庥題之曰澗樂夫樂與憂二者蓋相為環也以易動之民

而乘其將何術使之不轉溝壑也如之何不憂乃有禱輒應俾民解其顏吏適其責上以寬東南之念下

以成安堵之休胥於神有賴焉則如之何而不樂先正有言先憂而後樂意在道光二十年僧妙緣重建

斯乎爰書之石以告來者

四松亭在縣北五里傍古松四株久圯

丙星亭在梁村道人化鶴事詳逸

三陽亭在梁村龜山頂

團峯亭在俞源俞勝宗建

今廢

介亭在縣署東康熙乙未邑令張廷祐建

自銘見藝文

寶林茶亭在縣 六十里隆慶僧定松建耆民陳繼良

全松助田九畝有義田碑記

今無攷亭久圯

留雲亭在縣東嘉慶間俞林檀建併撥田七百把暑日

煮茗以濟行人

訓導張榮碑記周官遺人十里一廬廬有飲食註廬小室也憩息之所故

設飲食蓋卽今茶亭也宣平邑之報豐廬舊亭之額日報豐亭舊有涼亭久圯行旅病之俞君林檀以齒德舉邑鄉耆賓性慷慨年八十遇濟人事力行無倦色辛未夏擬就斯亭遺址重建之且廣屋一座并捐田畝爲渴者乞漿水計工未興疾革屬其子與孫等勉成已志其秋子與孫遂鳩工飭材亭成堅固可久

夫自遺人職廢民間涼亭多有率成於衆力獨任其事者蓋少若俞君林檀之耄且死猶惓惓以濟物爲急而賢子孫善述其志其義與孝皆足風矣思敬從余游請作文以勒諸石余樂爲記之俾後之人以時繕完勿使壞焉

雙桂門在縣北一里宋時鄭睿鄭通叔姪同登景德

舊志

作瀆熙誤丙午第故名

天閱堂在東巖宋朱子仁與梁安世蔡伯尹倡和處

久廢

清適種德堂宋參議鄭嘉遜致仕歸建并結亭題曰芳

潤芳桂在曹門

久廢

延緣堂在周坦宋進士梁泰來歸隱處

久圯

春風堂天啓間教諭王嗣爽改建教諭宅因題額

久廢

遊玩堂在俞源俞善建今廢

竹院清風宋吉州助教鄭棟致仕歸建久廢

百丈樓在縣東六都未詳所建見省志

御書樓閣元統制鄭朋子翰林學士君錫同日致仕上

嘉之御書標其第

皆山樓在俞源俞善護建今廢

白雲堆在龜山元梁鉞有詩

龜山雲舍元梁淳瀾有詩

道舒山房在曳坑明陳文賢有棲巖樂志詩

卧雲閣在縣西元時建見省志

載水閣縣令侯杲建傍有泛棗亭久圮

六峰館在俞源摘李仁灼詩大出奇峯通帝座九環曲澗繞龍門

靜學齋在俞源俞道堅建今廢

諸鹿岡坦川潘侍御讀書處摘李仁灼詩石峯笑兀標牙戟樹蘇爛斑點繡衣

赤石樓四面峭削上可數畝唐末袁晁作亂鄉民數百家遊此俱得免

家訓閣在俞源李嵩萃建又名培英書屋揚廷榜有跋

附坊表

雙門坊 在縣後為丞相鄭睿參議鄭通同日致仕建

天府先登坊 在縣前

丹墀獨對坊 在縣前 為舉人吳仕偉立

都諫坊 在縣西為宏治庚戌進士禮科給事中吳仕偉立

繡衣坊 在縣前橫街東

皇都得意坊 在縣前直街 上二坊為正德戊辰進士兩廣巡按御史潘湘立

進士坊 在縣前橫街為嘉靖丙戌進士俞大有立

興賢坊 在縣東街

牧愛坊 在縣西街 上二坊俱邑令何昌立

迎恩坊 在縣南街邑

騰蛟坊 學儒

起鳳坊 學儒

尚義門 一在縣前為鄭思尹立 一在梁川為

節孝坊 一在渠溪為儒童章鴻志之妻周氏立 一在渠溪為儒童章鴻志之妻徐氏立 一在渠溪為儒童俞聖猷之妻陳氏生員孫時芳之妻潘氏立 一在西塘為武生沈繼禹之妻吳氏立

雙節坊 在溪口為職員潘如龍之繼妻

節烈坊 在溪口為儒童潘攀桂之妻沈氏立

墳墓

荒墳纍纍巨幽千年墟墓生哀孰表遺阡斷碣可傳

翳惟名賢述墳墓志

唐贈歙州刺史葉慧明墓 在縣東

唐越國公真人葉法善墓 在東隅

唐仁烈侯章承趣墓

唐忠義俞強墓

宋丞相鄭睿墓 在金村

宋參議鄭通墓

宋丞相余太師墓 在桃

宋侍郎蔡景佑墓在姜弄

宋少師梁汝嘉墓在杜坑

宋忠義蔡子昇墓

宋主簿梁孚將墓在老竹

宋狀元蔡仲龍墓在官橋

宋參軍蔡伯尹墓在清平寺後

宋大司農蔡戩墓在東坑口

宋大農丞梁安世墓在楊嶺脚

宋隱士朱子仁墓

宋參議鄭嘉遯墓在前灣

宋伏虎禪師墓在台山下

宋統制鄭朋墓

元學士鄭君錫墓

明安遠侯蔡紹伯墓在石磊

明鎮撫梁淬墓在戴墓坪

明御史徐曰仁墓在湯山

明知州戴子葵墓在壺源

明忠義蔡忠吉墓

明主簿蔡儼墓在桃山頭

明都諫吳仕偉墓在壺源

明御史潘湘墓在武邑穀村

明知州梁鐔墓在東金山前

明知府祝傳墓

明知府陶岳墓在磊山

明兩淮鹽運陶質夫墓在陶村

明刑部主事楊景和墓

明監察御史吳厚墓在吳宅

明禮部觀政俞大有墓

明知府吳伯閻墓在吳宅

明知州潘滋潤墓在前灣

國朝

孝子陳鰲升墓在小妃

宣平縣志卷之九

祠祀

壇壝社稷祀典所陳崇德報功逮及人神春秋禱祈
俎豆莘莘有其舉之皆為明禋述祠祀志

壇壝

社稷壇舊在城東歐溪山下今移置縣南通濟橋東傍
北向右社左稷歲以春秋二仲上戊日致祭凡祭陳
簋二簋二
邊四豆四

祝文

維某年月日某官某等敢昭告於



縣社之神

縣稷之神曰惟 神奠安九有粒食萬邦分五色以

表封圻育三農而蕃稼穡恭承守土肅展明禋時

屈仲春秋敬修祀典庶芘芘松栢鞏盤石於無疆翼

翼黍苗佐神倉於不匱尙 饗

風雲雷雨山川壇舊在縣西後移縣南官山以附近居

民多瘞尸柩改爲漏澤園知縣鄭龍光買民間山下

廢宅爲壇在通濟橋西傍南向風雲雷雨居中山川

居左本縣城隍居右與社稷同日祭儀物亦如之惟爵用二十一帛用七

祝文

維某年月日某官某等敢昭告於

風雲雷雨之神

境內山川之神

本邑城隍之神曰維 神贊襄天澤福祐蒼黎佐靈

化以流形生成永賴乘氣機而鼓盪溫肅攸宜磅

礪高深長保安貞之吉憑依鞏固實資捍禦之功

幸民俗之殷盈仰神明之庇護恭修歲祀正值良

辰敬潔豆籩祗陳牲幣尙 饗

先農壇在縣東壇傍爲祭田每歲收租於春仲致祭田畷導引行耕藉禮祭品儀

制與社稷同惟帛用一爵用三近奉文季春亥日祭

祝文

維某年月日某官某等敢昭告於

炎帝神農氏之神

厲山氏之神

后稷氏之神曰惟

神肇興稼穡粒我蒸民頌思文

之德克配彼天念率育之功陳常時夏茲當東作

咸服西疇洪惟

九五之尊歲舉

三推之典恭膺守土敢忘勞民謹奉葵章聿修祀典

惟願五風十雨嘉祥恒沐於

神庥庶幾九穗雙

歧上瑞頻書於大有尙 饗

雍正二年奏定頒發耕藉所歌三十六禾詞一章

光華日月開青陽房星晨正呈農祥帝念民依重
耕桑肇新千藉考典章吉蠲元辰時日良蒼龍鑾
輅臨天闈青壇峙立西南方犧牲簠簋升芬芳皇
心祇敬天容莊黃幕致禮虔誠將禮成移蹕天田
旁土膏沃洽春洋洋黛犁行地牛服韉司農稔稔
盛青箱洪靡在手絲鞭揚率先稼穡爲民倡三推
一墾制有常五推九推數遞詳王公卿尹咸贊襄
甸人千耦列雁行耰耨旣畢恩澤滂自天集福多

農穰來牟蕎薺森紫芒華薊赤甲秬稗秠秬三
種黎白黃稷堅粟好碩且香糜芑大穗盈尺長五
菽五豆充隴場稌粢糜藜九色糧蜀秫玉黍兼東
膺烏禾同收除童梁雙歧合穎遍理疆千箱萬斛
收神倉四時順序百穀昌八區九有富蓋藏歡騰
億兆感聖皇

雩祭乾隆七年議准各直省府州縣衛立夏擇日行常
雩禮但不得用大雩之禮亦不必另設雩壇其社稷
藉田等壇壝可以恪恭將事二十一年奉文所需祭
品照例陳設

祝文

維某年月日某官某等敢昭告於

風雲雷雨之神

本邑社稷之神

先農之神曰恭膺

詔命普育羣黎仰體

彤廷保赤之誠勤農勸稼俯惟蒞屋資生之本力穡
服田合甲爰頌肅舉祈年之典惟寅將事用申守
土之忱黍稷維馨尙冀明昭之受賜來牟率育庶
俾豐裕於蓋藏尙 饗

厲壇舊在縣東北一里周山今在北門外二里中央涼亭對漏澤園每歲清明七月望十月朔先期二日縣以牒告於城隍厥明奉城隍神位於正中無祀鬼神之位列壇下凡祭用羊三豕三果蔬各四米飯三石尊酒楮帛

祀典

先師廟在縣東詳學校

崇聖祠在覺宮後載學校

文昌閣在儒學泮池東見學校

名宦祠在文廟東見學校

鄉賢祠在文廟西見學校

興文土地祠在文廟門左見學校

文昌宮在文廟東奎光閣前嘉慶六年奉

旨敕各直省府州縣立廟致祭

文昌帝君一切儀文並仿照

關帝廟定制列入祀典春以二月初三日秋以八月擇

日致祭共用銀二十兩七年縣令王愷教諭俞諒訓

導張榮偕董等就閣前創宮王萬齡鄭錫珍捐田厥

基移閣中帝君像於正殿殿前為門庭朔望行禮門

前立照壁門轅東西見學校咸豐九年奉 撫憲晏

奏准通飭每年春秋誕三祭每祭支銀二十兩以符

體制

祝文

維某年月日某官某等致祭於

文昌帝君曰惟神績著西垣樞環北極六匡麗曜

協昌運之光華累代垂靈爲人文之主宰扶正久

彰夫感召薦馨宜致其尊崇茲屈仲春用昭特祀

尙其歆格鑒此精虔尙饗

祭後殿

在官後奎光閣第二層設文昌前代神位見學校儀與祭關帝後殿同

祝文

維某年月日某官某等致祭於

文昌帝君之前代曰祭引先河之義禮崇反本之思

矧夫世德彌光延賞斯及祥鍾累代炯列宿之精

靈化被千秋爲人文之主宰是尊後殿用答前庥

茲值仲春肅將時事用申告潔神其格歆尙饗

關帝廟在城大街太平坊

雍正三年追封三代曾祖光昭公祖裕昌公父成忠

公設主供奉後殿乾隆二十五年改謚神勇三十一

年加封

忠義神武靈佑關聖大帝五十九年奉

上諭改敕封二字爲供奉舊定每歲五月十三日致祭雍

正三年又定每歲除誕日外春秋二仲諏吉致祭現

奉部議每年春秋誕三祭每祭支銀二十兩以昭定例

祝文

維某年月日某官某等致祭於
忠義神武靈佑關聖大帝之神曰惟帝浩氣凌霄
丹心貫日扶正統而彰信義威震九州完大節以
篤忠貞名高三國神明如在徧祠宇於寰區靈應
丕昭薦馨香於歷代屢徵異蹟顯佑羣生恭值仲
春嘉辰遵行祀典筵陳邊豆几奠牲醪尙饗
祭後殿

祝文

維某年月日某官某等致祭於
關帝之

曾祖光昭公

祖裕昌公

父成忠公曰惟公世澤詒庥靈源積慶德能昌後
篤生神武之英善則歸親宜享尊崇之報列上公
之封爵錫命優隆合三世之肇禋典章明備恭逢
仲春諏吉祇事薦馨尙饗

城隍廟在縣西南郭外景泰初設邑令李葉建郝孜蕭

彦鄭龍光韓宗綱魏必大五次重修縣令蕭彦霖應
志神功也神妙乎感感阜乎物弗志可乎予至宣之
二年六月彌二旬不雨耆舊輩請禱于即齋沐詣楹
樣請神啟壇於祠為禱計至廟拱立於門須臾山雲
四合而雨既迎神詣壇不雨者又數日乃集羣巫而
切責之巫曰比者湯溪之界龍雨交作而不沾宜境
意者城隍之神其怒視吾民乎余詣壇祝日春秋祈
報皆以民也茲民痾未舒令請罰吾神當自分矣不
逾時雨稍降至夜雨如注自子至巳方止今年六月
又不雨適余有事他邑乃先牒合屬禱之既過歸告
神日縣台不德咎在厥躬神亦忍輕民命乎是夕微
雨降又明日早暘如故愈謀更置禱壇予日置城隍
神於何地越明大雨三日乃止是秋稱有年噫不雨
而禱禮之常也禱而輒應神為之也夫天不人不
人之天不成人之天也夫鬼神之德也盛又以詔夫
一之者也謹書此以志夫鬼神之德也盛又以詔夫
有民社者不恃其或然之數而恃其必然之理云爾
雍正間縣令于樹範重修乾隆間董事重修咸豐九

年前署令邢鴻濤率紳董陳啟暄鮑文銓等勸捐重
建頭門兩廡頭門改用石柱工竣後議建官廳修正
殿十一年賊陷拆毀一空片瓦無存同治八年署令
蔣元沂率城鄉紳董陳啟暄潘榮宗祝鳳梧周國錢
祝鳳樓鄭龍言鄭維祺孫鼎祺鮑敏達等勸捐始建
後殿并廂屋九年署令張兆基率董重建正殿官廳
頭門兩廡戲臺一例興復十年落成庀材堅固黜聖
丹雘煥然更新足壯觀瞻初祭以祭山川後一日其
祭品儀注與社稷同後以城隍會祭於風雲雷雨山
川壇春秋不復專祀守土官到任及神誕日謁拜

每朔望行禮焉

土地祠在縣大門內左側每歲五月二十日誕辰縣備牲醴致祭咸豐十一年燬於兵火未建

忠節祠在文廟西舊志載忠孝祠在縣東每歲春秋二祭縣發備公銀給與祠孫辦猪羊果品致祭節義祠在縣西祭法與忠孝祠同後併一祠尋其舊跡前後各三楹前祀忠義後祀貞節後改平列祠屋七間左三祀忠義右三祀貞節中間住人未免穢褻嘉慶以前春秋二祭每祭縣發備公銀六兩共銀一十二兩儒學奠祭至八年承辦者以祭銀不敷請縣加給邑

令王愷查案無備公概不允給令其子孫具請代爲轉詳亦無人遵行道光十五年邑令黃維同復祭惟不給胙於其子孫黃調任去事又寢現在將祠前餘地給住人種植得息以庶饑薦歲二舉子孫與寡夫忠孝節義皆所以扶植綱常維持名教祀事不修胡以獎勁節慰貞魂乎尙冀好義士女與在祀子孫之有力者捐產請祭垂諸久遠以爲忠節勸感豐十一年燬於兵火未建

忠孝祠祝文

維 靈稟賦貞純躬行篤實忠誠奮發貫金石而

不渝義問昭宣表鄉閭而共式祇事懋彝倫之大
性摯莪蒿克恭念天顯之親情殷棣萼模楷咸推
夫懿範綸恩特闡其幽光祠宇惟隆歲時式祀用
陳尊俎來格几筵

節孝祠祝文

維 靈純心皎潔令德柔嘉矢志完貞全閨中之
亮節竭誠致敬彰壺內之芳型茹冰蘖而彌堅清
操自勵奉盤匱而匪懈篤孝傳徽絲綸特沛夫殊
恩祠宇昭垂於令典祇循歲事式薦尊醪

祠廟

神道在人心耳或雨暘失節藉調燮以成功或
疫癘爲災資消除而介福此皆功在羣品德洽
一方蒸嘗之報宜其久而不息云

唐葛周三元真君廟在縣南郭巖山九明山下橋桃溪

曳嶺楹樣山俱有祠

縣令韓宗綱九龍山禱雨碑三
元真君尸祝宣慈蓋千百年廟

貌徧城鄉輿誌所載唐葛周三諫臣也其以雨暘神
不知何自坊土人言在九龍者爲祖廟廟有五足鑪
徙之則汗出其應雨爲尤驗云康熙庚辰爲予出宰
之三年夏五月適不雨土人曰三元真君主之予率
同官詣祠城南輒應六月又不雨土人曰是必至楹
樣如所請凡三日雨旣而匝月肆虐予皇然憂之乃
齋沐至九龍山將汗所謂鑪五足者比至則破瓦頽
椽神像半爲風雨所剝落其五足鑪亦且爲無名子
竊去數十年於茲矣因別奉一鑪以歸事禱焉是歲
禱於真君者三凡三遷其地由近之遠而神亦若酌

其緩急高下而先後以報之卒慶有秋維時山下鄭生某請新廟立碑以紀予捐俸稍加修葺敬書其事以告來者凡真君之顯於宣慈實無往不在而在九龍者感而輒應亦不繫鑪之存與不存也是為記

楹樣山石靈峯三元真君廟為宣邑祖廟最為靈顯禱

雨多應廟始於唐繼修無考明成化天啟間重修

王在鎬碑記楹樣山離縣十里而近西壁峙如堵城左右連南北諸巒不相下綿亘排青拱張其翼而此峯適居其中巖從翠嶺朝斯常吐雲吞霧蓋仙真棲繡之所也三真君臣於周客於吳顯於唐屢加封於宋而宅靈於宣生為直臣沒有澤民護國功明德于今為烈遠且碩矣以故栢葵二郡多為祠宇以答之而吾宣之下橋桃溪曳嶺與楹樣且四楹樣則真君自小爰處之山其為都宮者一名石靈峰里人鄭希盛成化二年募修八年全應戴思魯重葺天啟年火旋復整焉雖屢有興廢而真君之嶢嶢宣邑者不替宣人之尊親三君者亦彌新夫天地間惟氣而已氣之真毅凝結不敝存為聖賢沒為仙神而上下於陰

陽之感者即與山川人物呼吸相接其降有時其御有位其關係於一方也有緣予吏斯邑愧不能仰承神道而山宇俯瞰縣治廳堂井版咫尺環抱之內斯儀斯將是祈是告且同宣人尸而祝之社而饗之矣夫八風四時不毗不厲神之錫也春蘭秋菊社酒臘豚民之思也十年一賽村老而童陶陶闐闐且樂真君若膝之上而真君視邑人若膝之下嘗瞻仰山頭雲氣與龕上香煙蜿蜒縹緲兩兩相結而知宣邑猶然一鄉鄉猶然一混沌未破也此神之所以憑陵於此而不厭也邑人免余志其土木之重新聊為贅論若此里人鄭權記畧云相傳厲王無道三君屢諫不從國人謗王遂棄官至金華隱於九明山此俗傳也聊諫官謗王遂棄官至金華隱於九明山此俗傳也聊識之以備考楹樣廟鄉人十年賽會以三真君為神會主至期鄉人舁三真君像至會壇會眾神驅獸逐癘迎床有德募修前為澍樂亭舊跡廟右為觀音堂第山高基窄樑柱易朽道光十九年住持僧妙緣延城鄉董

事募捐重建復建澍樂亭於廟前如舊儀改造觀音
堂於廟後半山亭久廢今亦重建廟貌煥然神像更
新

麗陽行祠里人鄭希本建舊在巡司東後移於縣南三
里舊志載每歲六月二十
八日縣滿年豕祭今廢

東嶽宮舊志載在報恩觀側後并入通濟橋右永福堂
嘉慶五年被水廟堂俱廢十九年東嶽宮董事卜基
於西隅建宮永福堂董事就原基建堂邑令嚴芝芳
將前并入之田各分二十畝餘田撥與永福堂前燒
茶濟眾之資詳奉 臬憲定案邑令劉以實分協和

兩簿給各住持東嶽宮為協字號一土名長江吳弄
源田一百把六坵

倉後田一百把二坵 白嶺頭田三百把四坵
黃碧坑舖前田四百把五坵 楊柳源田三百把六坵
坵上磨石田一百把二坵 吳上圩田一百
二十把二坵 後坦畝蘇舖前田二百把二坵 馬
鞍山脚田三百把二坵 夫以上共田二千零七十
人殿外田一百三十把七坵

把計糧額二十畝零七分立東嶽宮戶於西隅住持
僧值理每年三月二十八誕辰備牲醴品物請 官

致祭 鄭午溪捐田八十把鄭國旦捐田二畝鄭錫珍捐
田

八十均作廟基糧入東嶽宮戶 道光三年俞源俞
大鶚捐土名溪口下畝并湯村畝田四百二十把二
坵塘後田一百五十把二坵 魚蒜田一百八十把二
坵 坵下源田二百把二坵 俞孔薦戶下收糧

七年俞君泰捐土名周處田三百八十把 十一年俞

君選捐土名山後坑田六百把二十九坵上至何家

糧墾田下至坑左右至山俞富九十八戶下收

資另立青府備公戶收納錢糧選擇殷實董事一二

人經收租息以為歲修及增設品物香楮諸費神誕

日經理者給胙於其家出入會計歲登簿籍詳載廟碑

咸豐十一年粵賊陷城正殿拜亭及十殿戲臺頭門

拆毀一空僅留廟右廂屋一座同治八年署令蔣元

沂率紳董鄭懷賢俞廷揚俞汝安鄭宗明潘寶仁劉

廷揚孫鼎禧鄭秉和潘成龍俞文沆朱孔陽等勸捐

重建次第興工九年署令張兆基率原董鳩工庀材

十年工始竣棟宇崇闕神像莊嚴廟貌重新

天后宮在縣前乾隆三十八年閩人陳合聚唐宏利唐

鼎利鄒安寶創建道光七年吳光初饒仁濟溫火麟

劉忠傑等擴基庀材棟宇聿新規模較前宏厥

萬壽宮在太平坊司前街乾隆壬辰年江右人建道光

丙戌年江右董事余鳴皋等改建前後大殿戲臺頭

門刻榴丹楹金碧輝煌規模壯麗咸豐辛酉年粵寇

滋擾神座損壞門壁拆毀同治乙丑年江右董事監

生羅世恩等募捐重修

三元宮在縣南門對三元寺宮右偏祀邑令冀宏壁

咸豐十一年粵寇拆毀同治六年東隅一紳董鄭龍

言鄭維祺潘寶仁偕鄭騰宣王毓梧潘昌文等募捐

重建

福安案三元真君廟在縣西太平門內曹門

宜慈鄉主廟在縣北山麓俗稱徐七公旱潦癘疫禱之

多驗廟前古樟一株十圍蔭可三四畝不知植自何代嘉慶間土人放爆竹落樹孔中烟炷旬餘枝

柯俱枯木身猶在今路傍復長一株方可合抱乾隆五十三年潘士業王萬齡鄭武魁鄭國旦合捐香

王廟前田二百把二坵并地在內又鄭國旦獨捐觀後上田畝田一百把一坵均入廟中以資香火

咸豐十一年粵寇拆毀同治五年西隅一紳董鄭信

原孫鼎祺募捐重建

晏公廟在縣後坊順治十年火居民重建康熙五十二

年重修按輿圖江西撫州人物宋晏敦復字景初晏

謂無忝爾祖矣臨江古蹟有晏公廟明封平浪侯咸豐十一年燬於兵火同

治六年東隅二紳董鄭宗明孫鼎祺王若仁譚殿英

鄭秉和鄭章元等募捐重建

夫人廟在縣南門內

相傳閩莆田人陳十四夫人有法術司嗣育暨嬰孩痘疹林李二夫

人亦同潘士業捐廟邊田一百六十把三坵李塘

咸豐十一年粵寇拆毀同治六年紳董鄭龍言鄭維

祺潘寶仁孫鼎祺潘榮懷等募捐重建

禹王廟在縣南永福堂前通濟橋左側橋成造廟以主護橋之神咸豐十一年被匪毀

胡公廟在縣北門道光四年創建咸豐十一年燬於兵火同治八年古婺徐義和徐炳莖應聚興嚴志山等募捐重建

鮑家洞主廟在縣東二里後坦久廢故址尙存道光十年復建

金鐘洞主廟在縣西一里俗呼高路殿祈禱多驗天順六年邑人吳則建成豐十一年粵匪拆毀同治六年

里人吳成仁等捐建

明山洞主廟在縣西二里車門卽西嶽行祠旱禱應咸豐十一年粵匪折毀同治六年里人林成滿藍林福等募捐重建

七五神廟在縣西車門此神有七皆獵神也野獸擾害種作神能驅之並辟六畜瘟瘧十年賽會農民爲尸隨榼樣神以驅逐廟有田每屆賽會之歲管理者將遞年所蓄備食以濟衆他處亦祀此神或立壇或建廟廟則繪像於壁而不塑

白馬廟在白馬山下

竹客廟即土堂殿在縣西二十五里竹客宋大觀四年松陽

縣丞李寮遇旱禱之應立廟祀焉見松陽志廟制枿科棖

櫨層疊與普照寺洪潭殿同廟無人居永不生塵亦

無蛛網上有龍窠見雜事嘉慶十五年重修

黃蘭殿亦在竹客元貞元年間建道光十九年重修

仁烈嘉佑章侯王廟一在縣東老竹一在縣南渠溪祀

唐忠義章承趣宋勅封靈顯廟誥詞并蔡伯尹重建碑記俱見藝文

梁太傅廟在縣東梁溪祀漢太傅梁商誥敕御贊世代

寶藏蓋村中其苗裔也舊傳漢順帝陽嘉四年救日設職分司固朝廷之大典任

賢使能乃人君之急務朕自即位以來晝夜憂勤惟恐失天下之才悞軍國之事况軍將重寄治亂攸在

安危所關非故戚老臣曷克此任惟太傅梁商者存

心中謹行事剛明抱經濟之嘉猷蘊善人之奇計茲

特陞授為大將軍職掌虎符權專外閫征討亂賊輔

翼朝廷汝當恩威並著寬猛適宜使軍民之仰結無

窮朕後之寵賜尤加也汝往欽哉毋替朕命贊曰

爾貌而豐爾德而隆才兼文武學充鴻濛事親克孝

事君克忠生今之世得古之風

彰德昭靈侯廟在縣北二里

清源真君廟在縣北五里

三石廟在縣東北十五里三石潭上祀清源妙道真君

嘉慶十八年里人重建

虎神廟在劫塘

龍宮山洞主廟在縣東北四十里俞源祀清源妙道真

君祈夢甚靈每歲元旦起七八日內每日一二百人不等婺郡人為最多如立春在先年臘底則少遜十廟真主樊侯相公廟在縣北五十里地名樊川

巖山廟在縣西北十五里不知創自何代舊志註巖山云上有三元廟土人於此祈夢甚驗廟久廢故址及石香鑪猶存嘉慶三年雪坑民孫發江病狂夢神語曰我巖山神也汝為我建復廟宇當令疾愈翼日遣家人禱於故址疾果瘳遂偕村鄰周德聖等募捐重建塑像道光十九年里人偕周維誥等募修黝聖而丹獲之咸豐十一年燬於兵火同治七年歲貢生周

維誥偕里人募捐重建

遺祠

報德祠在縣大門內土地祠東祀大學士徐階父贈少傅徐公輔嘉靖丙辰邑令任良翰建副使黃中碑記公以宏治辛酉自華亭來丞宣平滿九載移丞江西之寧都迄今六十年矣宣父老猶能道其德政如昨日事嘉靖丙辰電白任君良翰令茲邑父老以徐公祠白之遂相地得徐公舊署之南鳩工運木子來悉後不數月落成祠凡二棟後為堂龕公肖像左右廟廡前為門榜曰報德春秋虔祀如制任君使來謂當有言以告來者中曰天下服官泄政漸滅無聞者何可勝算即有一二稱述亦僅去後思耳歷世滋久翕然尸祝而侑食之豈不難哉宜為楮巖邑其俗難制而易動正統間耕氓葉宗留據險稱亂識者恒歸咎當事者之昧於機宜也某年鑛賊嘯聚莫敵誰何時公視邑篆單騎入賊壘曉諭禍福開示朝廷威信數

宣平縣志 卷之九 遺祠 十八
千人咸感拜泣下盡還田畝曾不翦樸而禡其獷悍
之氣還夫衽席之安視宗留之變靡爛流離卒許其
立功自贖而始獲戢歛者不啻什伯千萬也蓋公推
心置腹士民信賴故言出如金石化暴為良不勞餘
力非僥倖萬一者比若夫引詩書以繩民俗誓水蘄
以勵官箴通賦徵而刑措夙獄讞而民蘇則固要僕
未盡也祭法曰以勞定國則祀之能捍大患則祀之
若公者復何愧焉又聞之于公治獄多陰德而子孫
為通侯王晉國不究其用而文正為名宰相二公修
德獲報如左券然思復公位不滿德如晉國而脫生
靈於鋒鏑之慘其陰德又非僅善平反者可彷彿也
篤生今少傅公階為國元老其勲勞烜赫則超出西
平魏國數等而季子諸孫功名富貴與
二氏實相後先人定勝天不足徵哉 按祠久廢有
祀田八十餘畝康熙十九年改隸儒學田被水推雍
正九年實丈田八十畝零乾隆九年教諭陸獻猷訓
導徐紹宗構祠於明倫堂側春秋修祀事焉

洪公祠在縣前街東祀邑令洪雲翼祀廢今并入土地
祠塑像於右楹

金公祠在下橋岸西祀邑令金之鎔

久

宋公祠在儒學左祀署篆本府通判宋庭

未構而罷

禮德祠在東巖頂祀宋蔡夢奎梁宗善蔡子昇梁孚光

孚將孚錫孚惠蔡叔輝叔寶

久 圯吏部韓元吉碑記見藝文

朱先生祠在東巖上祀宋處士朱子仁

久 圯

宣平縣志卷之九

寺觀

附庵堂闕宮院

佛老之宮金碧炫燿清修冲真肇端梁唐紀其廢興以示緇黃述寺觀志

冲真觀在縣北五里唐葉法善捨宅爲之初賜額宣陽後改冲真宋致和間道士吳慧純詣闕上劄履勅重修明宣德間幾不振道士高希度等興復崇禎間邑令金之鎔重修自明季迄今二百餘年乾隆以後棟宇毀剝墻垣傾頽田園荒蕪始盡嘉慶十一年間松陽卯山道士邱明淨來作觀主貞節苦心勞身力作

稍為補葺至二十三年乃重建前後殿庭翬飛離立
莊嚴寶相金骨珠光左右廂房亦修飭靜整並獨立
撐拄不在外募捐實黃冠中之傑出者舊志云觀已
頽止有墀前羅漢松丹井殿前二舊碑太歲字磚大
歷鐘元時石香鑪座數古蹟焉相傳真人云片瓦無
存吾當再來今丹井舊碑尚存鐘移置慈愍庵盜斧
其紐今已松磚鑪座亦無存邑令湯金策重興碑記
夫丹房道院雄壯都麗心焉嘉之詢厥由來非募建
即勸修問有羽流出亡資以成之者乎無有也問有
羽流出已資由乎胼胝之勞稼穡之艱以成之者乎
尤無有也然則冲真觀之重興為較異觀在宣治北
郭外翔自唐所以奉葉真人香火者其間與廢不一
嘉慶間觀有腴田數頃前住持非善知識虎而冠者

艷其產搆以訟產盡廢前任持憤且死弟子星散觀
日就圯千餘年各勝區一旦墟焉良可慨矣卯山
道士邱明淨聞而毅然曰是仙人舊館也可聽其圯
乎予不任其事疇則任其事然欲圖重興必先籌復
產因出資贖田若干畝躬自耕種積一歲之盈又贖
田若干畝不數年田盡復而勤苦益加勵或曰田既
復工可肇乎明淨曰未也於是占晴課雨藝藍植麻
凡畝畝之利無不殫精竭力以爲之及數年計所入
足所需乃鳩工構料勉期告成藉非胸有成算烏裕
如若不然則其功成其志遂其心亦甚苦矣是役也
始於戊寅之春竣於庚辰之夏為殿為楹為廊為廡
勝甲於故需白金四千有奇胥取自胼手胼足積銖
累黍之餘不外募一錢既落成前邑宰曰是當泐諸
貞珉以垂不朽明淨堅請謝遂不果立石歲戊戌予
來幸是邑公暇覓勝見其雄壯都麗不讓於通都大
邑而堅固過之且聞締造始末竊歎求諸通都大邑
而不得者乃得之窮鄉僻壤也因進明淨與之語粥
粥若無能樸而愿有道士也尤難者自奉甚儉而邑
有義舉輒首輸不吝然則窺其重興之隱一有志竟
成之佳子弟也論其耕種之勞一力穡不倦之上農

夫也若尙義樂施既不失為鄉邑之善士而成功不
居且士大夫之所罕矣使氓率奉為鵠則宰可不勞
而臻上理嗚呼獎勤者宰之責明淨即不欲名其善
宰不當獎其善以為後來觀耶爰綜舉大畧而補記
之又舊志云觀有碑係里人吳德華壽藏銘書法酷
似聖教序洪武間東陽吳某書尚未泐蝕摘翁名
揚詩代久松為佛丹成井是仙王在鎬詩五音如
水秋懸兌八卦未蠡篆守宮寂寂苔光煙暗顧叩元
答牝在旋蟲青田方合詩碑橫苔徑猶堪讀鶴去
松陰尙可留丹色浮霞籠井口鐘聲敲月出樓頭
胡世定詩荒磴離披野草滋煙雲無色葵
龍癡藥苗都飽田狐腹壁蘇惟橫醉客題咸豐十一

年十一月十三日粵賊陷城賊駐營北門外五里鄭
迴庄與觀僅一河之隔西鄉民勇時聚集百餘人埋
伏觀之後路來攻賊營賊遂將前後大殿左右廂房
盡行拆毀並搬去木料磚石改作鄭迴土城自是冲

真觀止留空基一片幸真人有靈銅鐘尙存同治八
年邑令張兆基過其地慨然有志興復邀集城鄉紳
董清釐積產諭令勤正道人依舊住持重新整頓數
年之後殿宇建復勝地可長留也

報恩觀在縣東五里元至元三年道士何庭高捨宅建

傍有東嶽宮今廢

妙真觀在縣北七里元大德間道士范雲巖為里人鄭

真卿墓道建山名舞鶴迎仙今廢宣慰副使李思衍碑記

廣惠觀在縣東北五十里俞源宣武界嘉慶戊寅年里

人倡捐重建邑貢生俞宗煥重修記宣邑山水惟俞源為最勝自九龍發脈如屏如障如堂

如防六峰聳其南雙澗繞其北回環秀麗繪如也而
 庭湫則鳳凰山在焉山下有道院為先民遺跡第殿
 冠輩僅藉為棲息之所荆棘銅駝誰復有過而訪焉
 者嘉慶戊寅諸首事募捐重建鳩工庀材經營辛勤
 閱五年而告竣畫棟雕梁丹楹刻桷神像莊嚴特開
 生面前有廳後有堂兩廡有樓丙舍寅階無乎不具
 是觀也也可以放鶴可以留雲可以招隱望仙可以藏
 春買夏而且芸窗可以講學竹榻可以橫經則鳳凰
 之山將與鵝湖鹿洞而並傳其所以惠及後人者較
 前為更廣也因仍
 顏其額曰廣惠

紫陽觀在縣南五十里元延祐四年邑人朱芹捨宅建

廢今

齊雲觀在縣西北十里元皇慶二年道士鄭義建廢今

清源宮在縣西十里馬口

寶勝院在縣西三里有石塔僧曇裔年十二隨父來括

崇禎庚辰隨師住院竹木蔚然塔尖湧出境頗幽潛

摘王雋石塔燈光詩玉柱高擎天咫尺金蓮花照界
 三千摘來星斗人間現湧出珊瑚火內然鄭灝記
 畧云距南三里藍曰寶勝宋紹定間祝簡祝籍祝範
 創為植福所侵幾為鹿遊鶴語矣幸妙明師與徒曇
 裔有興復志出已衣資外募祝氏賢裔前建梵宇中
 建殿堂翼以兩廡棟楠輦飛龍象焜耀索余記之

保安院在縣南六十里廢今

普照寺在縣西北一里唐會昌六年僧月庵始建宋元

以來迭有隆替至明成化十年僧大廣重建後堂為
 禪誦之所嘉靖七年僧守良募修大殿為經行之室
 萬歷十九年惠公後裔潘正清等協修康熙二十六

年僧挺然重修高高下下架巖築室制甚顯敞道光

十九年任僧空翠董事鄭懷賢俞宗煥鄭成賢潘忠精等募捐重建

前殿後堂改用石柱並建東西二樓房十間遭寇毀

住持僧雲棟募脩後殿舊有十二景石犬眠雲午溪

印月隔浦村煙沙湖白鷺鷺嶺丹楓榭樣雪巘迴隴

松濤碧池空翠鰲崗晴眺雲居梵磬金山夕照仙臺

晚霞宋至和二年沙門普祥記畧云唐會昌間公緒

今額釋道勤於咸通十年糾檀越公緒造鍾臺一光

啓二年檀信勅木浮屠一釋全祐於端拱二年顯緣

建寶殿一塑像七祥符二年釋全超募豎山門并塑

二聖天禧五年釋喜廉創浴堂一釋忠居於天聖四

年召緣興庫院一於慶歷三年蠲造彌陀殿塑像七

凡構僧舍前後計二百楹悉已完具大厦既就百堵

皆興繡薨藻祝鴛瓦文棲鳥革翬飛峩巍峻拔門流

一澗溪聲楹對千山翠色有徒蘊思睹裝漆菱盞瓦

板墮隙遂於英信再葺良緣重光福地宋季咸淳僧

善續有相全建庫院法堂僧崇珍崇顯重建大殿繪

刻觀音像迄至元至大間僧崇珍崇顯重建大殿繪

夏六月其事方竣教諭陸武曾重建碑記原夫青鴛

人世宏開蘭若於須彌白馬馱經衆護伽藍於洛下

捨永興之宅淨果無量聞宜壽之鐘光明有象所以

絳雲成蓋舍利名城綠玉爲階辟支現佛豈惟黃金

布地營精舍於給孤青石開山顯神通於大士也哉

宜平普照寺者近倚鰲岡遙臨鷺嶺界午溪之瀾激

宣平縣志

卷之九

寺觀

五

而暑寒迭易雨雪飄零塵寰本有平陂淨域豈無隆

宣平縣志

卷之九

寺觀

五

替風摧少室寶樹旋彫水涸恒沙慈航莫渡殘垣斷
 壁半屬諸碧薛蒼苔畫棟雕梁都付與荒烟落照願
 仗飯依之力一木難支端賴懺悔之方眾擎易舉時
 則有沙門錦林者來從淨妙志切清修插草唱緣貫
 花卓錫勇比秦皇之鞭石誠同夸父之移山積慮十
 年成功一旦始於道光十一年重建山門復於十九
 年六月重建大殿又於十一月重建觀音殿石兜巖
 廊百堵皆作雲廚月榭一列經營蒼蒼蒼荀之林森
 森芰荷之所覩金光燭室再煥瓔珞莊嚴看梵宇之
 新旃檀馥郁祥光燭室再煥瓔珞莊嚴看梵宇之
 吼是固藉神靈之呵護要亦資善信之樂施或董理
 工程或倡捐木石或指園而分腴香積或解囊而廣
 種福田片瓦一椽皆大歡喜百名十姓具有良因誰
 是摩詰再來菩提正覺我亦龍華幸會妙諦同參扞
 斑管以揚芳鏤青珉以證果所冀慈雲普照合萬善
 而同歸更期慧日增輝歷億齡而永固云爾

金山寺在縣西北五里原名慈顯元至順元年僧德懷

建今廢遺址尚存

龍福寺在縣西三里廢今

雲巖寺在縣西五里瀑布泉上舊志云石巖深沈清幽

之處一名白水寺一名白泄庵原係鮑村鮑家庵元

至元間賜額為寺摘馬愈詩半空濕氣蒸春雨千折

封鹿徑泉穿絕澗落龍潭何昌詩松巢月冷鶴歸

洞石鉢雲騰龍出潭王雋詩萬點明珠光濺月一

條素練冷涵秋翁名揚詩嶙峋四壁春苔冷寥落

一僧午火寒遂谷無門雲自鎖空牀有瑟水頻彈憑

虛結屋蘿為幕破竹通流水入厨花到春深渾嬾態

景逢雨後掛新圖庠生鄭一忠記畧云惟石塊奇

白泉飛練洵環邑之奇觀也元元統間剏剏山迴靈

異歲久就圯正德間淨妙僧普恩來聊復舊業其徒

佛賜繼之銳意葺理重整前顏甃石闢隘有夸其行

又且市田為善後計可謂守規律而不忘厥初者矣

台山寺在縣東二十里舊志云宋乾德間有禪師得道於此每騎虎下山創募台山寺工畢其虎誤為鄉人所殺後知為師虎捨田十畝入寺償之至今賠虎坵尚在嗣後興廢莫考及崇禎己卯年僧幽然超凡來煥然改更名曰真淨庵乾隆五十九年僧悟洪重建道光七年僧真觀全徒空翠施黝聖建方丈嶺舖以石新來翠亭於嶺側記見藝文

又舊志云相傳天順間僧刻師像并虎於座每夜有虎來僧厭之尋埋刻虎遂滅跡山雖延綿至建利處哭峙高懸石磴陡峻僅容一足履其巔復平坦可數十畝羣山擁護周匝無隙中有石井石塘天然池竇寺久荒頽自幽然超凡兩僧受具于天童勤侍數載奉命住靜卜此以居昔會開闢淡齋刺舌血書華嚴後以非衲子本分事遂止天童後延千峯

和尚至山開化以應他請故去邑令王亮教碑記宣平名勝鳥巖曰台山者去治二十里宋乾德間有僧得道騎虎下山稱伏虎禪師道行為世所重復於巖外創淨妙禪寺置田五頃以給上下二處其虎誤為鄉人所傷今有賠虎坵在也遠人稀鞠為灌莽其田盡歸淨妙常住矣明神宗時巖僧理之官斷淨妙田二十畝還台山自有此田而十方老衲踵至咸思恢復舊觀崇禎己卯幽然超凡兩上人自天童卓錫於茲披荆剪草寶殿禪堂厨司客舍漸次畢舉更名曰真淨庵適郡侯倪公諦信三寶均淨妙之田之半與真淨幽然止受一十二畝并前田共三十二畝曰吾稱衲子奚事多田為如古人折脚鐺中白石黃精儘可度日所重在道不在食也廼與紳士共質之余余甚喜將田畝勒石以杜侵奪惟是真淨淨妙均係伏虎遺孫五頃之田原為開堂說法雲集道眾而設以後當遵規戒振刷元宗雖瞿曇之舊案固百代之餘風耳是為記侯杲碑記宣治萬山中窮僻如禪林而台山尤為窮僻地為有宋伏虎禪師道場頗著佛乘予幼即皈依大樹和尚於佛乘多所探討聞此欣然往觀披蒙茸攀萃律憊而欲廢者數僅乃得至蘭

若精嚴法象莊麗了不異名岳叢林通都巨剎兩上人同志耦俱一經理開山常住曰超凡一專意焚修講證曰幽然雖其地修廣不踰數畝而兩上人搜剔其間俾禪師遺蹟若池若泉若峯若巖若門若壇皆表而出之至於庵中所有瓶鼎盤盂飲食之器具一未圖其風物故事型諸西江之陶清尚遠致叢林所席乞一頓乳糜香飯者顧尤異此羸者宣也誰賚波斯之金優闐之木而輸諸窮山絕巖之上脚蹶未幾風雨猝至萬壑雲平驚濤欲絕其締造顛末遂不遑悉是冬永康門人徐子亦神至始為余言兩上人皆永人其擇地駐錫齋金以謀鼎建者多永之紳士乃其祖石松先生實倡之經始於崇禎己卯兩年即告竣兩上人不昧檀那施捨之因欲勒諸石以永之因徐子請予記

烏巖寺在縣東二十三里相距台山淨妙並二三里廢今

淨妙寺在台山下明成化間僧文璉建觀音殿三間左

右樓屋各二間東西兩廂樓屋各二間康熙三十七

年僧實元重修復建東西廂樓屋十間乾隆三十五

年僧見修重修嘉慶十六年僧真觀全徒空翠創造

大殿三楹裝塑佛像鋪石勦堊愈增壯麗

清修寺在縣東十五里晉太和中原有招提梁大同三

年僧普照重建宋僧山德一了迭興元僧元圭重建

明崇禎間僧性愷重修康熙三十八年僧見文重建

五十五年僧覺亮全徒慧賢造後座觀音樓嘉慶五

年僧妙裕修大殿道光六年僧妙德修觀音堂十九

年僧自煦重修大殿舊志云寺前石溪一帶清奇可愛又有八景雲峯山青龍壇伏

虎嶺雙眼池白石溪天然井
鰲魚背圓通岩詩見藝文

咸豐八年寇燬同治間

住持僧自煦重建

多寶寺在縣北十五里獅子山元僧光中正開創有巖

房天然石厦以此龕佛明崇禎間僧真禮移建離山

六里康熙三十八年僧寂清重建

延福寺在縣北二十五里晉天福二年僧宗一建明天

順間僧澗清重修康熙九年僧照應重建後殿觀音

閣兩廊雍正八年至乾隆十三年僧通茂全徒定明

屢次修整大殿創興天王寶殿並兩廊廂屋二十一

間裝塑天王金身四尊由是獅林大振舊有六景翠

屏山五柳溪懸磬巖木魚山石澗井長生池

里人陶孟端記

畧云距邑二十里許峯環澗遶寺立其中唐天成二年名曰福田宋紹熙賜今各有賜紫宣教大師守一修剋荷完迨元有堂日師及德環等繼置田山重立碑記僧宗普惟謙相繼葺理其徒文碧澗清耕作惟勤積累稍稔明正統間鄉寇騫發毀宇為薪迨靖復業文碧等悉意生殖諸工旋作百廢具舉且購腴田天順癸未仲春澗清丐余志石條其續置之業而記之

道光十八年住持僧漢書重建山門同治四年住持僧妙顯重修

慶恩寺在縣北三十里元至治二年僧益鑑建明成化

間僧廣大重修順治間僧宗典重建康熙三十二年

僧等月斐然重建四十年被火蕩廢僧會司成音復

興後堂觀音閣兩廂樓屋雍正三年僧明照重建大

宣平縣志 卷之九 寺觀 十
殿並樓屋十二間乾隆十七年僧覺文裝塑達摩目
連地藏勸善大師四尊而佛像愈增輝矣舊有六景
三星高峰皓月臨池羅漢古松甘露清泉迴龍長抱
伏虎右峙成化邑令何昌記畧云元至治二年僧益
正統羅兵燹僧福海於景泰四年募建法堂五間其
徒廣大住持普照者才力堪任爰招俾歸廣摩古
碑詢黃髮請復兼併田天順六年建東樓為禪釋廳
成化八年樹山門堂南為廳寺於西序十八年釋伽
殿立殿前為山門如故十九年翼以廊廡周以垣墉
香積精舍百堵黜聖二十年始事裝塑三寶而下列
侍如來護法四尊三門兩掖古聖殿傍左立伽藍之
廳右設祖師之堂不數年棟宇聳飛龍象焜耀復為
宣名 道光二十一年住持僧漢書捨衣鉢資重建山
門並修大殿同治十二年住持僧妙顯捨衣鉢資重

建經堂五間規模壯麗煥然一新

妙果寺在縣北十五里元延祐三年建明正統間燬復

建康熙五十三年僧樹堂重建前殿

梵天寺在縣北十里元延祐二年建地名上塲邊今廢

圓明寺在縣北十五里崇禎癸未遼左僧智空建縣令李向

芝碑記枯宣固山邑也峯巒聳峙時觸處皆是夫亦何在無山然山不秀麗水不清雅樹不蒼翠在高人韻
士攬勝者輒望而去之以其不足以移人性情也惟
縣治之東北十五里有圓明山其地煙雲繚繞水泉
潺湲山呼谷應林木劃然望之鬱然而深窈非復塵
埃中境况洵哉佛光樓止之所也伊果何人廼能建
刹於此也哉父老為余言創造者智空和尚重修者
徒弟宗元夫智空何僧而廼能建刹於此也哉曰智
空本遼東人出家於會稽天童寺自明癸未年始卜
地於此山之傍建茅屋數椽晨昏惟焚香誦經爾時

衆檀越亦樂成善緣爰置田肆拾畝以爲香燈之資厥後宗元繼之而棟宇榱桷增其式廓用能成廼師之所未備是前有智空而此山藉以不朽後有宗元而禪林爲之益新自台山而外圓明其庶幾乎余因簿書之暇來遊於此有僧照福者智空之徒孫也丐言於余余以誌始末余不擲管久矣錢穀俗吏終歲勞攘有何心緒敢言文事哉乃停車之下不覺俗念淨盡心目俱爽因歎夫逐名利勞心竭慮形容枯槁何若持偈空門忘得失絕喜怒天地不能困古今不能困反得以蕭然物外之爲適也哉因援筆而爲之書

慈仁寺舊名龍臺在縣北四十里唐乾符四年僧德亮建康熙三十七年僧惠車重修

悟真寺在縣北四十里唐清泰元年僧德茂建明成化崇禎間重新康熙三十八年僧覺雲重修

棲真寺在縣東七十里宋大中祥符元年僧守清建

廢

西巖寺在縣東五十里康熙年里人戴堯哲建

雲居庵在縣西普照寺右明萬歷間建有百子琉璃燈

田舊在獨山前

俗名猪頭山

庵前爲大路嘉慶五年水漲

庵廢形跡無存嘉慶十三年鄭成賢等度基重建于

栗坦迥之山下

崇禎七年沙門甕虛碑記畧云聖教

人渴慕先宗欲作一法供養遙向十萬億佛土外近

無量如來聚十方之信施樹萬歲之明燈其光明曷

止於千二百歲照七咸豐十一年燬於兵火同治十

三年邑紳鄭信原等重建

著聞先年武寇入境宣人屍多暴露寶募埋之值荒
 出鉢資賑粥又冬得懺資五十金悉市布為袴數百
 給窮民庵控溪面山織塵不到邑令侯果碑記邑之
 西有溪溪之濱庵有
 二自曹門而出有徑達溪在徑北者香火舊院也徑
 南乃莛生上人勸為修靜地莛生初居北門茶庵厭
 其孔道塵囂避而築此余稍暇時即莛生為無生談
 因悉其創建意曰是可知矣環宣皆山蕭瑟沈沈已
 若禪境而西溪尤幽絕其晴霽也浮光漾金靜影沈
 璧其勝實也幽壑蛟舞深林猿嘯樂意禽聲草香花
 氣可以謂其恬山高月小水落石出可以謂其清鳥
 絕人稀孤篔簹雪可以謂其寒日出林開雲歸岫暝
 可以謂其變化塵勞膠擾之人偶憩其間輒生道心
 莛生卜築於此聽廣長之舌觀清淨之身盡天竺之
 音窮貝多之葉溪花禪意交映互發其所得豈多遜
 於龍樹剎根雪山慧業哉夫楚蘄之黃梅廬陵之青
 原其初亦兩祖所遊而處也而後遂為海內外所皈
 往修至則教彰釋猶儒也莛生雖屏絕人跡四方之

吉祥寺舊名西巖在縣東北五十里唐咸通元年建今廢

觀音寺在縣東北二十里崇禎十六年僧真禮重建今廢

三元寺在縣南門外即唐葛周祠舊名福田堂康熙四

十年僧寂清重修道光五年僧徹峴重修咸豐十一

年粵賊拆毀未建

福海寺在縣南三十里宋大中祥符二年建舊名福壽今廢

清平寺在縣南四十里宋咸通初僧合遵建使客館在

其中今廢

眾聖寺在縣南六十里舊名羅漢宋咸通二年僧法山

建今廢

妙善寺在縣南五十里元延祐間建今廢

崇濟寺在縣南十里今廢

銘智寺舊名多智在縣南六十里宋中和四年僧緣集

建今廢

天澤寺在縣南七十里舊名禪寂院宋紹興末里人朱

孝孫建大德中里人朱芹重建藏院孟淳碑記見藝文久廢

萬安寺在縣南六十里宋紹興四年僧獨山建今廢

梵興寺在縣東六十里今廢

叩關而學無生者誰獨後予今日之一龕異日之叢
林也可不為之計久遠乎庵址可二畝屋凡兩進各
五楹後世尊前彌勒堂兩個翼之北个莖生跌坐其
中南則庖涌在焉雨屏面溪線以周垣蔭以修竹建
於崇禎六年落成於十二年顏曰西溪庵莖生精究
禪學於講席無所不歷兼工書法蘭溪人法名海寶
求靜庵在雪坑崇禎八年鮑通泰乏嗣捨資建造庵堂
將田地山場盡施入庵招僧承管

水月庵在縣西大溪口順治四年僧等亮募建今廢邑
碑記天下事多相因而起亦相須而成缺其一則齟
齬踣焉而務不可久如大溪之水月庵是矣大溪左
衍婆迤右挹衝滙茫焉巨浸蔚為大觀前後環溪而
居者壤鱗接也煙火空林咫尺森蒼棲鳩樵牧之歌
呼嗚嗚者聲相聞而趾相錯但所苦者夏霖暴溢奔
吼如翻沸怒濤莫敢瞬目於其前有招招艇子者輒
搖手膜目辭不敢冬雪飛空徒脛涉沍者又病斷指
裂膚之痛沙門等亮慨然有建橋之慈而里善鄭如
寺觀

春全姪世綬竭力佐之晨度暮營殫厥心力未幾橋成乃橋值波漲又苦波襄於橋輒散落飄忽而功又敗僉曰守橋之役烏可緩因而議庵費尤不費如春捐庵址復與等亮募之寒暑雨暘無敢問不數時材輪困阜矣埴埴壘碗岡矣未幾而庵成咸向金仙踴躬曰庵千秋無恙橋千秋無恙而地之民居亦千秋無恙如春來請余文且告先後情狀余忻然曰噫非民居之稠胡以須橋非橋胡以須庵此事之相因而起也有茲庵而橋斯永有茲橋而民斯利涉非事之相須而成者歟

來隱庵在縣西祝村廢今

勝蓮庵在縣西北福緣山順治間僧岳鴻結庵邑令侯果碑記

萬務有緣事屬順應維緣有福無機則逢世之所謂綠者非一高牙大燾調燭補甌爵之緣也鐘鳴鼎食珂巷笏牀貴之緣也綺疏曲房粉白黛綠聲色之緣也金穴銅埒朝牙暮籌富之緣也然俱轉眼花空回頭泡淨昨宵之填門車馬今日而羅雀庭空即日之歌舞歡場片刻而總帷人哭獨有深山空壑西竺慈

宗鏡徹羣源獨懸蓮果庭儲雪澗門揖雲峯斯為靜緣一燈一龕半磬半偈斯為清緣斷鑄石火破衲短笻斯為隨緣以此為緣則為真緣以此為福則為真福岳鴻上人因業賈住來於羣龍之山家偶至福緣山下見羣峰倚天萬壑洵雪懸崖斷壁天設幽竒久而悟日維緣有福茲則是歟遂擇其山盤結而水朝宗者數笏鋤土誅茅盡捐貲囊結宇以棲禮娶僧履中為師造旃檀香像為供其鄉人共異之而亦羣稍助焉乃招徒眾墾山陬勤苦自甘精修不怠噫貴邪富邪緣何空邪清邪淨邪綠何久邪茲山之緣何以福乎鴻固得世外之綠而道光十八年僧真觀重建山門併廂房

從容庵即北門茶亭明嘉靖間午溪鄭鑄建僧廣海募

銅鑄像置田煮茶濟渴邑令洪雲翼碑記佛氏空諸所有即此七尺且作白骨觀

矣問身以外事第非假像設曷以皈依非藉田廬孰
資香火無論叢林勝刹金碧丹青諸僧或衣食縣官
或坐享檀越銳意焚修卽一邱一壑結茅而處者亦
罔不繪肖空王膜拜頂禮擾糶之暇覓靜蒲團繙經
貝葉晨鐘暮鼓與梵音並繚繞天際彼固謂非此無
能報四大恩也乃浙以東獨不然而栢十邑爲甚諸
寺咸有世產數百畝奸民往往盤業其中留鬚髮長
子孫如故公然號佛弟子不但產靡飲博甚至斧殿
柱以爲薪指法身以爲盾類年通賦莫可追呼爲一
方巨蠹余受事來雖嘗捕一二渠魁立爲薙髮且條
上便宜平厥賦額而其獲悍自若也一日省耕北郊
憩茶亭見庵宇肖像煥然一新僉云此比印廣海所
募銅新鑄者詢之海爲新城人受武林雲棲衣鉢已
亥浪遊至宣諸父老瞻其雅有戒行相率請留遂掛
錫於茲日惟茹疏水供香燈爇則煮茗以濟渴吻好
義者爭捐錢穀助所不逮海節縮其餘又置香燈田
數畝爲後來計余異之曰此間亦有若而僧乎進之
語出典八律不作凡俗聲口度字循循似有道氣洵
萬山中空谷足音也明日來謁和南以請曰願擊鉢
君侯一言敘鑄像置田始末勒諸貞珉俾異日黠髡

市俠無敢闖入竊據庶不負十五年寸積鍊業崇禎
苦心余日弭患息爭守土者責也何惜擲管

間僧智能重修乾隆初改名照槐庵庵在路傍亦甚

湫隘嘉慶三年邑士民募捐移建於庵後廠前基爲

元夜團龍燈所舊銅像三中爲大士並蓮座左善財

右龍女相傳左右銅像被盜竊鎔龍女像已銷善財

僅鎔一足盜忽逸去土人仍送至庵中補塑一足今

二像猶存咸豐十一年粵賊折毀同治八年邑士民

重建

慈愍庵在縣北鄭廻順治四年僧若微建募田施茗附

距縣北數百武名鄭廻有地數畝廻通衢要道往來
行人農工商賈憩息之所適遇闍僧若微身遊日擊

遠萌鼎新之念於是詢其業迺命公嘉賓秉鑑先君所建也微即登叩募公乃慨然樂助而復加捐朱提十兩共成勝舉經營度築而棟宇櫺櫺煥然一爲之新焉遂名庵曰慈愍切念其宏功鉅德是殆浮屠之級云厥後微徒成量惠光前烈奮而言曰有庵無田非惟香燈之無需况供蔬食給茶漿以濟人乎始非能遺久遠計也復延檀施募化各捐資財買置田若干畝永存本庵歲除完國課以爲守奉香燈之費外餘給茶漿以濟行旅之渴此其功不將繼美雍伯而藍田之玉不自我種植哉其所置田畝鐫之碑誌以垂不朽
乾隆十五年僧果畧全徒與嵩重修嘉慶二十二年僧妙增全徒景明復建門樓路廊樓屋七間並新佛像道光十八年董事俞思忠等以庵內蓄資重修大殿咸豐十一年寇毀同治九年俞源俞鑑俞國材派下裔孫住持僧等祥派下徒孫僧景明重建

聚福庵 舊志名 興林庵 在縣東北十里坳塘嶺明萬歷僧性愷

建併出鉢資置田嘉慶九年僧廷會重建 邑令王在

境開無墨之圖屏繞多繪之彩麗山帶水錦砌襟川碧派湧灘頭長虹駕石隙顏日興林志所始也渴必投滋於滴露飢仍借飲于壺漿尋西甲而如空求竹林而卽是卜地爲誰前令林公也破荒爲誰今僧性愷也

朝陽庵即圓明寺在縣東北十五里圓明山崇禎間僧

智空建乾隆三十九年僧與初創造山門嘉慶十年

僧因曉建兩廡廂房二十年僧徹峴全徒心靈重修

大殿改新佛座

月松庵在縣東北十五里溪口康熙間僧實元卽文波

建韓宗綱碑記文波上人住持台山淨妙寺有年以苦禪修崇繼續烏巖之緒既已恢而大之矣又於寺之西偏度地儲材而構五楹焉文波別號曰月松意以己之將老而靜息於斯也即號之曰月松庵云距淨妙寺三里背倚松山有石泉出其後左淳淳如鑑之洮八肺肺塵心豁如庵之前筆峯壁立若學士文人之抽思朗吟而中書君架手其上以供禱也其左七星崑燦燦奎光一似東井之聚焉七星之右曰岱石巖嶙峋崿崿於蒼松翠竹凝然以靜甯然以深昔月松庵之勝槩也上人又置田二十畝日用所需百物其備退老之資其淨妙寺之一介粒粟永為己有也當日映林霏松聲護護竹葉蕭疎參差月影土人憇息於斯其亦應無所往而生其心乎其徒日際風管述其言曰人之少也如晨光之初起故力勤而不倦夕陽下而暮影承之則於月也宜夫萬彙芳菲百卉艷冶其如歲寒何鳥飛倦矣戢其羽矣吾自與此幹青枝相見於風清月朗之下此其為樂豈繁華者之所知哉予聞其言俯首者久之夫聚石泉筆峯七星崑石之勝以有斯庵而又嘉慶二十一年與月與松為友宜其未老而返也已

僧真觀

即法地

重修

興林庵在縣東北二十里大堰

俗訛作院

後明代建乾隆嘉

慶年間僧定明漢松相繼增修

善心庵在縣東北二十五里上坦

正興庵在縣北四十里樊嶺乾隆四年里人創建至二

十三年僧與蓮以本生父葉國球蓄資置買田十一

畝捐捨人庵為日後生卒之祀併佛像更新庵宇重

修嘉慶七年僧妙增重修光緒二年里人重建後殿

三楹並改建山門

寶月庵在縣東三里霞青山

清蓮庵在縣東安村蛛絲巖明天啟間僧均濟全徒印
聞創建康熙六年被寇燬廢至乾隆五十九年僧漢
瑄重建劉正路碑記巒背聳奇峯前羅門臨半月
籬傍方塘左環層岫廻岑之勢右曳淺青濃
碧之光繡脞繚繞千盤翠竹回環四面其形如蛛絲
之網而巖以是名有庵於其上而巖之名益著間閱
志畧清蓮庵在縣東安村蛛絲巖其始於何代創自
何人俱未詳余嘗低徊流連不忍釋念每詢諸父老
咸謂庵之創始相傳明季天啟年間僧均濟同徒印
聞避寇山窩雖為匿蹟藏身之計且可供名山之寂
守因而結茆廬成精舍廣不數椽耕鑿禮誦劫掠未
遑得置田七十餘畝國朝康熙六年復遭劫掠燼
燬靡遺厥後僧人之良莠賢愚俱無可探訪至乾隆
間有僧蕩廢逃竄無蹤產荒糧懸邑侯張士彥諭令
僧漢瑄築室住持經理輸課越十有六載歲在甲寅
仍將地基重建清蓮庵坐子向午庵堂正屋五間兩
楹各二間裝塑佛像而庵復為之一新矣再傳僧延
會於嘉慶甲子歲尋重建劫塘嶺聚福庵未竣而圓

寂三傳之僧景月年甫八齡本邑祝氏子自幼披髮
志在清規世守勿替固難能而可重者也佛法無邊
幸茲寺宇增輝共仰莊嚴之象福田廣種行見釋
門卓秀還開智慧之芽此則余之所冀望也夫
求淨庵在縣范村

廣福庵在縣黃弄明崇禎間里人潘大沛梁一蛟合建
圓通庵在縣西巖下明洪武間蔡紹伯撥田報先之所
廢今

東巖庵在東巖今廢

延福庵在縣東梁村康熙元年僧敬峯募建四十八年
僧海禪修

清甯庵在梁村宋里人梁佺建康熙二十九年僧海禪

重修案祚璿碑記天得一以清地得一以寧佛氏鼻
祖一葦西來傳其教者號不二門不二可變恒
河沙諸國故佛教自一始余鄉花樓凸下地方圭平
砥與遠堂山對峙而屋溪環繞之潭深而清徑微而
曲蒼松翠柏拂雲干霄入其境者竄然別有天地庵
曰清甯乃宋紹興間族祖倭所建至今歲積月累傾
頹日甚頃有住僧海禪者向檀那募樹一本鋸而為
楹若干楣若干其他枅椳之屬取諸枝榦而有餘由
是大殿兩廡香積方丈無不煥然一新夫當木之在
山也雨以潤之日以暄之大可數十圍高可數十仞
其為北宋物南渡物俱未可知倘曲拳不中程鬼火
劫其腹或埋藏大壑不可致亦事之無如何者顧其
地甚邇其中甚堅其才甚直工師不能求大匠不及
斷而海禪獨募而致之噫異矣海禪苦志焚修又能
迎養老母迺非近晚緇流可並意者木本水源孝思
感假菩提有樹於此一木也天效地呈得其旨則一
有定論余謂此一木也天效地呈得其旨則一卷之
山可現須彌一滴之水可消萬劫一庵之小小可使
天常清地常甯昔人所以命名者其義
無殊也眾曰唯唯爰記此以勒諸石

雲峯庵在縣東新嶺里人梁一鴻等建

白雲庵在縣東南二十五里庵後有白雲泉詳巖

怡雲庵在縣東北呂埠順治年間僧海昱重建

龍鳳庵在縣南前灣

三港庵在縣南三港渡

石門庵在縣南石門嶺

齊雲庵在縣南曳嶺以上三庵康熙四十二三年間皆

邑令韓宗綱命里人毛茂生督率重建

定清庵在縣北十五里東平山

再來庵在縣北四十里吳宅

正道庵即下佛堂在縣北四十里吳宅

水口庵在縣東五十里大萊

通濟庵在縣東六十里小妣

永福庵

貯德庵

修靜庵

甯心庵

壽雲庵在縣西嘉慶二十年建

大平山庵在縣北桃村康熙三十八年僧智風於此駐

錫有語錄一卷

摘智風詩掃徑留松坐開門放月歸三間茅屋一孤僧間作秋雲瘦作

藤平分半楊雲為伴靜對千峯月可搏

天闕堂在東巖頂宋進士梁安世蔡伯尹布衣朱子仁

建今廢

廣福堂在縣南二里崇禎間僧智意募建

鮑福堂在縣南通濟橋側今廢

追遠堂在縣南杉坑橋側崇禎間里人潘大沛建今廢

貯德堂在縣南曳嶺脚門前羅漢松十餘株蒼古盤鬱

康熙四十年僧寂真建乾隆間里人蔡廷元重修

集善堂在縣南五十里元至正六年僧有空建

珠琳堂在縣南六十里元至正間朱煒翁全僧月山建

廢今

槁嶺堂在縣南槁嶺

福善堂在西溪橋側廢今

道院堂在縣北岡山陟磴而上竹樹蒼鬱頗稱幽邃康

熙七年僧乘光募建嘉慶二十年僧妙增重修咸豐

十一年粵賊拆毀同治十一年住持僧景明重建

甘露堂在縣北項灣崇禎十年僧大成募建邑令王在

鎬碑記漫蝕順治八年僧智定重建道光十八年住

持僧因懷募建前殿五間二十年募建正殿五間並

兩廡伙廂咸豐十一年粵寇拆毀墻垣頽敗光緒二

年住持僧妙顯積衣鉢資重修前後大殿並改建山

門

廣濟堂在縣北桃村余橋頭後移建余太師故址水圯

道光間陶姓首事重建住持僧漢書重修咸豐八年

粵賊毀像住持僧妙顯重新塑繪十一年賊復至殘

毀益甚同治四年住持僧妙顯重修塑像

衍慶堂在縣北西塘

圓通堂在縣北樊嶺

感應堂在縣北門外明嘉靖間建

下佛堂在縣北吳宅後改名正道庵

寶臨堂在縣西北五里明萬歷間建

善豐堂在縣西八里明嘉靖間建

呂埠堂在縣東北東壠

善應堂在縣北六十里

繼善堂在縣丁川康熙四十八年里人徐興宗等重建

永福堂在縣南嘉慶五年水廢前無所考十九年僧徹

峴仝徒心靈重建咸豐十一年毀於兵火未建

永善堂

僧佛堂

崇福堂

鎮善堂在縣北桃村道光間里人重建

舊志云宣山邑溪村巖舍皆若破寺雖有數刹亦落
落晨星子美所謂世尊亦塵埃也然遺蹤古意猶堪
憑弔詳而志之庶後之好事者按蹟以稽興廢耳

